

# *LIETSAHALA TSA MEHLA ENA*

## *LI HLAKISOA KE BOPOROFETA*

 Ha re inamiseng lihlooho tsa rōna. Ntata rōna ea ratehang ea Maholimōng, re U leboha kahobane U re arabela thapelo. Mosali enoa oa batho ea ratehang ea robetseng mono, karo e hlolehile. Empa, oho Molimo, re hopola karo ea pele e kileng ea etsoa lefatšeng, U e entse ka Sebele. U ntšitse lephakong la Adama, lehopo, ua koala leqeba, le ho bopa mosali. Oho Ntate, kea rapela bosiusing bona hore letsoho la Hao le theohe joale ho phethisa ntho e khōlō ena eo re e kōpang. 'Me ba bang bana, Morena, mosali enoa ea hlorisoang ke khatello ea kelello, ba bang bohole ba nang le likopo, re ba laetsa ho Uena feela, Ntate, ka pelō eohle ea rōna. Ka Lebitso la Jesu Kreste. Amen.

Ruri ke monyetla ho ba mona bosiusing bona le ho talimana le letšoele le letle lena. Le 'mino o monate, k'hoaerenyana e khabane. Ke ne ke nahanne phapang, ho bona bashanyana ba emeng mono ka...mathaka e shebehang a hloekile, ka mekuto e hloekileng. Ke ne ke nahanne, maobane bosiu, ka—ka tulo eo ke lulang ho eona; eaba ho fihla sehlopha litlokotsebe 'me tsa leka ho khamisa moshanyana letšeng la ho tola; ba tlameha ho bitsa ho hong ho ba ntša mono. Ke phapang e kae, ho bona bana ba eme, ba bina lifela tsa Evangel; ke phapang e kae.

<sup>2</sup> Ho nahana, joaloka ha Moena Henry a boletse mono, "monna eo ea moriri o tšoanelang basali," le a bona. Ke—ke—ke hantle. Ekare e...Ke bona bashanyana bana ba e leka, ho hlophisa moriri oo, ebole ba o harela ka dirolara, ho likoloha sefahleho sa bona. 'Me ha ke tsebe, 'na...ka linako tse ling kea nyahama. Ekare ke—ke nako ea 'nete ea khopamiso. Banna ba leka ho apara liaparo tsa basali, athe basali ba apara liaparo tsa banna. 'Me banna ba tlohela moriri oa bona joaloka basali, athe basali ba hlophisa moriri joaloka banna. Molato ke'ng ka batho bana, le hona? Na ebe, ruri, tsona likhole tsa boitšoaro le hlompho li khaohetse sechaba sena le batho bana, lefatše lena?

<sup>3</sup> Nako e nyarosang ena, empa ke nako e khanyang ka ho fetisa lefatšeng, ho rera Evangel. Hola ka ema liotloaneng tsa nako pele e fihla, ebe Ntate o a ncheba, a re, "U ka rata ho rera nakong efe mengoaheng ena?" Nka batla hona joale, ke hantle, pejana A Khutla feela.

<sup>4</sup> Ho sheba holima letšoele, ea lutseng ka pel'a rōna mona.... Motsoalle oa ka oa moreri, koana Tucson maobane, o ne a kaletse pere. (Ho nahana ka monna enoa ka ntho ea hae...mosali enoa ea jereng disk i mokokotlong oa hae.) Pere ena e mo lihile. Monna

e mong a ntetsetsa ka hora e pele hoseng hona, hoteleng ea ka, a re, "Monna eo o amohetsoe Veterans Hospital, 'me mahlo a hae a kolla likeleli, mokokotlo o pshatlehile, liphieo tsa hae li tomolohile, 'me pelō ea hae e batla ho ema." 'Me mono ka khumama fatše, ka mangole a ka; fonofono, ka mo tšoara ka nqane ho mohala, ka mo rapella. 'Me ke enoa o lutse mona bosiung bona, o lutse hantle mono. E ne e le maobane bosiu. Bob, na u ka ema mono? Monna ke eo, hantle mono. [Phutheho e opa liatla—Mohl.] Molimo o arabela thapelo, hoseng, bosiu, motšehare, khitla ea bosiu, kapa nako efe.

<sup>5</sup> Joale, ke—ke moreri ea molelele haholo, ka puo ea bona. Ke batla ke sa rate ho qala nako ena ea bosiu, 'me—'me ka hopola nka tla koano. Bosiu bo bong, khele, re ne re qoqa mona tulong e itseng, 'me eona . . . metsotso e leshome le metso e mehlano ke qalile, keha batho ba phutha lijana 'me ba nqhoaee, "Khaotsa! Thola, u tlameha ho tsoa mona," ba tsuba lisakrete, ba itšoere joalo. E ne e se e—e phoso ea selallo sa lijo, e le batho bao re rentileng ho bona. 'Me e—e mosali oa cheremane a tloha a bolella manenjara, ho re . . .

<sup>6</sup> Ho re, "Be, u tlameha ho tsoa mona ka 9:30."

<sup>7</sup> Ho re, "Ha le a e ngola kontrakeng."

<sup>8</sup> Leleiti lena, bosiung bona, o theohetse koano (ke leleiti le mosa haholo) 'me o itse, "Ho thoe u a e batla," ho re, "u ka e sebelisa halelele kamoo u batlang." Ho hottle haholo joalo. Ka hona ke leboha haholo. Ke botle.

<sup>9</sup> Moena Henry, ke hlile ke ananela mosa oa hao—oa hao ho 'memela koano, le khaolo ena.

<sup>10</sup> Maobane bosiu ke fumane monyetla oa ho theohela mona Assemblies of God moo ke kholoang Moena Boone e le molisa. Ka thaba haholo mono le sehlopha seo sa batho. 'Me hosane bosiu re ea nqa e 'ngoe mona, ha ke tsebe kae, 'me ke khaolo e 'ngoe. Ba tla e hlokomela; ke lula ke rapela feela, ho bala, le ho tsoella joalo, 'me ke batla nka tiisetza hakalo feela.

<sup>11</sup> Empa, joale, re bona lintho tse hlollang letsatsing lena. Joale ke hopola khetlo la ho qetela mona, e ne e le kopano ea tente. Ha ke hopola ke buile ka eona maobane bosiu, ka bathoana ba neng ba tlisitse lesea la bona le shoeleng. Le—le teng mona nqa e 'ngoe, ba khannile letše share lohle le bosiu. 'Mènyana a lutse, a hlorile, a sikile lesea leo liphakeng. Joale, ekaba o lutse mona joale, ho ea ka litaba tseo. 'Me o . . . monnanyana, ba tsamaea le malapa a mang, 'me keha ba . . . 'Me a re . . . a mpotsa haeba ke tla ea (monna eo) koloing. Ka nka leseanyana ka le tšoara; e le sebopheho se senyenyan, se shoeleng, se sataletseng, se batang; 'me ka qalella ho rapela. 'Me eitse ha ke rapela, ea ka 'mele oo o qala o futhumala. Ka hona feela ka . . . eaba ke ntse ke rapela. A qala a rahaka a sisinyeha, joalo, eaba ke . . . a qala a lla. Ka le

buseletsa 'mè, a khutlela hae le lona. Ka hona, e ka ba ha se le Bakreste, ha ke utloisia. Lea bona? Ho ne ho babatseha.

<sup>12</sup> Empa seo ke se hopotseng, bosiung bona, ke tseba kereke e shoang, hape, ke batho ba rōna ba Pentekosta. Re tlameha ho phaphama mona, uh-huh, ke phetho. 'Me le ka e phethisa feela ka thapelo le ka ho tsepama le Lentsoe la Molimo. Re tla e khona joalo feela. Tsela ea ho tsoae e 'ngoe feela, Ke Tsela eo, Jesu Kreste eèena maobane, kajeno, le mehla. Na re ka batla kereke ea rōna e kene maemong ao a buileng ka 'ona mono, joaloka Engelane? Lebaka eo, ha le nahana, ha ke khohlahetse hakana, ke le omanya. 'Me ha kea ikemisetsa joalo, empa ha ke batle ho bona kereke e kena maemong ao. Ha le batle ho kena maemong ao. U—u tlameha ho E khokhoothela ka thata hofihela E ngomela. E tlameha ho etsoa.

<sup>13</sup> Ka hona joale, bosiung bona, ke tšoere e . . . Mangolo a 'maloa le sehlooho seo ke batlang ho bua ka sona nakoana. Nke ke ka bolela nako e itseng. Lea khathala, khele . . . Nka tšoha ke qetile metsotsong e mashome a mararō, e itšetlehile feela ho . . . Kamehla ke batla ke e tlohellia Moea o Halalelang, kamoo A tsamaisang kateng feela.

<sup>14</sup> Ha re inamiseng lihlooho tsa rōna nakoana hape, ho buisana le Mongoli pele re phetla Buka ea Hae.

<sup>15</sup> Molimo o Matlaohle, Mongoli oa Buka ena, re rapela ka Jesu Kreste. Re leboha seo re se utoileng bosiung bona. Hola re ka—re ka omela kopano ena ka ho re, "Amen," ra ntsoea hae, ho bile molemo ho ba mona, hoba re tseba U bile le rōna. 'Me, Ntate, ha re phetla Lentsoe lena joale, bua le rōna ka kotloloho ho tsoa Lentsoeng lena, re tsebe hora eo re phelang ho eona. Efèla ha re tseba hora eo re phelang ho eona, re ka itokisetsa hora eo; empa ha re kena ka ho tlatselaka re sa tsebe *eng kapa kae*, ha re tsebe ho itlhophisa. Ka hona, Ntate, re U rapela ho re bontša Areka mono, le Monyako, o butsoeng, le Molaetsa o re bitsang ho kena kahare. Aba sena ka Lebitso la Jesu Kreste. Amen.

<sup>16</sup> Mangolong a Halalelang, ke batla ho bala sehlooho mona; se fumanoang Bukeng ea Santa Luka, khaolong ea 24, eona . . . Ke tla qala ka temana ea 13, ke bale karoloana ea Eona.

*'Me, bonang, ka lona letsatsi lee ba babeli ba bona  
ba ne ba tsoa motsaneng o mong o bitsoang Emmause,  
bohole ba 'ona le Jerusalema e le stadia tse mashome a  
tšeletseng—tšeletseng.*

*Ba ne ba buisana ka tseo . . . tse hlahileng.*

*Ba re ba sa buisana, eare ha, 'me . . . Jesu ka sebele a ba  
atamela, 'me a tsamaea le bona.*

*Empa mahlo a bona a ne a sireloa ba ba ba sitoa ho  
'mona.*

*A re ho bona, Le ntse le bua ka taba life, ha le ntse ha le tsamaea, le bileng le soabile hakaale?*

*E mong, lebitso la hae e le Kleopa, a arabela a re eèna, Ke uena u le mong hara ba ahileng Jerusalema, u sa tsebeng taba tsena tse hlahileng . . . tshiung tsena?*

*A re ho bona, Life? Ba re ho eèna, Tsa Jesu oa Nazaretha, eo e neng e le monna oa moporofeta ea matla mesebetsing le lipolelong tsa hae pela Molimo le pela sechaba sohle:*

*Le kamoo baprista ba baholo le babusi bao ba mo neetseng kateng bao . . . ho ahloleloa lefu, ba ba ba mo thakhisa.*

*Haele röna re ne re tsepile hobane ke eèna ea tla lopolla Israele: ntle le moo, e se e le letsatsi la borarö taba tseo li hlahile.*

*Koana, basali bao ba sehlopha sa röna ba re makalitse, ba ile . . . lebitleng;*

*. . . ha ba fumana setopo sa hae, ba ba ba tla, ba bolela, hore ba bone mohlolo oa mangeloi, a itseng ho bona . . . a itseng o a phela.*

*Ba bang ba bona ba ile lebitleng, 'me ba fihletse ho le joalokaha basali ba boletse: feela eo ha ba . . . feela eèna ha ba ka ba 'mona.*

*Eaba o re ho bona, Jo batho ba se nang kutloisiso, ba pelö tse liehang ho lumela (ho se lumele) tsohle tse boletsoeng ke baporofeta:*

*Hleka e ne e se tšoanelo hore Kreste a utloisoe bohloko boo, a ntoo . . . kenngoa khanyeng ea hae na?*

*Eaba ho qala ka Moshe a isa ho baporofeta bohle, a ntse a ba hlilosetsa mangolong 'ohle . . . a boletsoeng ka tsona.*

Morena a ekeletse mahlaohonolo a Hae palong ea Mantsoe a Hae.

<sup>17</sup> Joale ke nka . . . haeba nka e bitsa sehlooho, ke rata ho e bitsa sena: Lietsahala . . . *Lietsahala Tsa Mehla Ena Li Hlakisoa Ke Boporofeta*. Joale, e sa le e le ho Molimo . . . tsela ea Molimo o sa fetoheng ho fore . . . ho tsebisa batho ba Hae pele lietsahala tse ikhathang li hlaha.

<sup>18</sup> Hola batho matsatsing a Morena Jesu ba batlisisa Molimo ba tseba se beng se le mothating oa ho hlaha, ba be ba sa tl'ó ahlolela Jesu lefu. Empa lebaka la eona, e le hobane Mangolo a na a tlameha ho phetheha, kaha Bajuda ba ne ba tlameha ho foufatsoa. Bohle re hlokomela seo.

<sup>19</sup> Na le hlokomela e boetse e tsepisitsoe mongoaheng oo re phelang ho 'ona? Mongoaha oa Kereke ea Laodisea, mongoaha

ona oa kereke ea bosupa oo re leng ho 'ona joale, o feela, o malimabe, o sefolu, 'me ha o tsebe. Joalokaha A kile a fousatsoa bao morao morero e le ho tlisetsa batho ba bakhethoa Molaetsa oa Hae, kajeno O tsepisitse ho etsa joalo.

<sup>20</sup> 'Me hola nka bua sena ka hlompho, ho baena besō bohole le likhaiseli ho Kreste, le leng la matsatsi ana motho o tla re, "Na ha ho a ngoloa lintho tsee li tla hlaha pele?"

<sup>21</sup> 'Me ho be joaloka mohlang oo, "Kannete, Ke re ho lōna, o se a tlide, feela ba mo entse ka ho rata ha bona."

<sup>22</sup> Mohla ba ne ba 'Motsa, ho itsoe, "Hore'ng, bangoli ha ba bolela, le Mangolo a re—a re 'Eliase o tšoanetse a tle pele.'" Ba rialo ho Jesu.

<sup>23</sup> A re, "O se a tlide, ha le a mo tseba." Lea bona? 'Me koana e ka fellia joalo hape.

<sup>24</sup> Joale re batla ho tsebisoa, ho tseba se tlang ho hlahela mongoaha oo re phelang ho 'ona. Molimo o baletse mongoaha o mong le o mong Lentsoe la Oona, hakana mongoaheng o mong le o mong, 'me re tlameha ho eleloa hoba mongoaha o mong o ke ke oa fallisetsoa mongoaheng o mong. Feela e ke ke ea sebetsa. Ho tea mohlala, joalokaha ke boletse, kea kholoa bosiu bo fetileng kapa... Ke bua molebe, bosiu ka bosiu, libakeng, 'me nako tse ling ke bua taba babeli. Ha kea ikemisetsa ho ipheta-pheta. Empa ke bua sena: Ho ka thoeng... molemo e ka ba efe ho Moshe ho leka ho rera molaetsa oa Nohe? Kapa molemo ebe ofe... ho Jesu ho leka ho rera molaetsa oa Moshe? Kapa molemo ebe ofe ho Martin Luther ho tsoellisa molaetsa oa Katolike? Molemo oa Wesley ho tsoellisa molaetsa oa Lutherane e ka ba ofe? Molemo ho Mapentekosta ho tsoellisa molaetsa oa Methodise ebe ofe? Kapa molemo ke ofe ho Mapentekosta ho tsoela pele athe Monyaluoa o ntse a bitsoa? Lea bona, re holimo koana nakong ea peō, re fihlile mona nakong ea qetelo. Joale, hlaku ea koro ha e sa oele lefatšeng, e itulela e 'notši.

<sup>25</sup> Joaloka mosehölli, joaloka ha ke buile khafetsa haesale buka e ntšitsoe, mohlomong le e fumane mona motseng oa lōna—oa lōna, mongoli eo oa Mojeremane o ngotse liratsoana tse ling tse sehöllang. Ke mophehakhang. Ehlile ha se... ha ke mo ahlole kahobane a ntšehöllotse hakana; empa, hobane, ka ho ba mophehakhang, ha se tšoanelo ha buka e behiloe lirakeng. 'Me o itse, "Molimo ea ituletseng holimo koana A re o phetlide Leoatle le Lefubelu a loela batho ba Hae, ebe O itulela a phuthile matsoho a Hae holim'a mpa ea Hae a shebile Mengoaha e Lefifi 'me Bakreste bao ba harolakoa ke litau; meriri ea bommè bao e inoa kahara sekontiri, ba fanyehoa lifapanong ba cheso; 'me masea a bona... bommè ba baimana, ba ba petsola mpa 'me ba laola bong ba ngoana ka lotho; le ho itulela a tlohela ho etsahala; batho bao ho thoeng ke bahlanka ba Molimo ona."

<sup>26</sup> Lea bona, Lengolo ke pululelo. U ke ke ua tseba Lengolo ka ho lula feela u Le bala ka ntlhakemo ea fiologi, ka ntlhakemo ea thuto; ha eso sebetse le ka mohla.

<sup>27</sup> Ke qoqile le moreri oa Baptise nakoana e fetileng, o itse, "Pele re ithuta Segerike se n̄epileng, pele re . . ."

<sup>28</sup> Ka re, "Lekhotleng la Nicaea, pele ho moo, ba kile ba ngangisana ka mantsoe a Segerike a kahara Bibele." U ke ke ua E tseba le ka mohla.

<sup>29</sup> Bibele e tlameha ho senoloa ka pululelo. Ke eona feela ntho, tšenolo. Jesu o boleletse Petrose, "Holim'a lejoe lena." Lejoe lena la tšenolo le a senola hore Ke Mang. "U lehlohonolo Simone, mora Jonase, ha se nama le mali tse u senoletseng hona, empa Ntate oa Ka ea Maholimõng o u senoletseng hona; holim'a lejoe lena Ke tla haha Kereke ea Ka." E seng holim'a Petrose, e seng holima Hae, empa holim'a tšenolo ea moea ea hore E ne e le Mang.

<sup>30</sup> 'Me ke Lentsoe! Santa Johanne 1, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna." Baheberu 13:8, "Ke Eēna maobane, kajeno, le ka mehla."

<sup>31</sup> Ka hona re phela mohla ponahatso ea Lentsoe la Molimo e tlamehang ho fihla mongoaheng o fapanang le mongoaha oa Pentekosta. 'Me ho joalo hantle. Hopolang, le tla. . . Ke motho ea sa rutehang; empa u ke ke ua tepeletsa tlhaho, hobane Molimo o sebetsa a iphapitile le tlhaho. Ho itšoanelia feela, joalokaha ke buile, letsatsi le chaba le likela; le haola letše shareng, le joaloka mongoaha oa sekolo; le shoa mantsiboea, le boela le tsoba hoseng ho hlahlamang. Lifate li theola lerō mariha, le kena metsong, le ntoor khutla ka sehla sa selemo.

<sup>32</sup> Lemohang, O e lekantse le tlhaku ea koro, Monyaluo, lebaka leo Molimo o ileng oa tlameha ho e tlohela joalo. Kereke e ntle eo, ea makhonthe, ea sebele e theiloeng ka Letsatsi la Pentekosta, e ne e holile 'me e holile ho tloha ka Letsatsi la Pentekosta, ea fetoha kereke e khõlō, ea lokela ho oela lefatšeng Mongoaheng o Lefifi oo 'me ea epeloa joaloka lipēō tse ling tsohle. Ea lokela ho shoa e tle e tsohe hape hlabbollong. Ea hlaha ka hlabollo ea motho, Martin Luther. 'Me ho tloha mono, joaloka tlhaka ea koro e nyolohang. Ntho e hlahang pele, ke maqoba a mabeli, e ntoor eketsa maqoba a mang. Eaba ho nyoloha Martin Luther, ea ntoor ba Zwingli, le ho thoeha joalo, Calvin, ha ba ntse ba theoha.

<sup>33</sup> Qetellong ea kena ho tjellane. Joale, eo e le John Wesley mongoaheng oa Wesley. Eaba pholene ea eona e foforeha.

<sup>34</sup> Mono ho tsoa mongoaha oa Pentekosta, o atametseng haholo, o itšoanelia le tlhaku ea mannete ea koro ha u ka sheba tlhaka. Empa ha u ka tšoara koro eo oa e phetla, ha ho tlhaku ea letho ea koro ka ho eona, ke lekhapetla feela le iphileng tšobotsi ea tlhaku. Empa le behiloe ka morero mono, ho sirenetsa tlhaku ho fihlela. . . Hola letsatsi le ka e otla joalo, le ka e bolaea.

<sup>35</sup> E tlameha ho lula mono ho fihlela nako e beiloeng, 'me Bophelo bo falla ho lekhapetla (kamoo Bo faletseng ho tlhaka, ho falla ho pholene), bo falla ho lekhapetla 'me bo kena ho koro, e boela e boptjoa hape joaloka tlase mobung.

<sup>36</sup> Joale, rea tseba hore nako le nako ha molaetsa o ntšoa, lilemong tse tharō ba se ba bopile mokhatlo. Ha ba etsa joalo, o shoela hona mono; e entsoe matsatsing a Luther, ehlide, e entsoe matsatsing a Wesley, e entsoe matsatsing a Alexander Campbell, le ba bang bohle, 'me e entsoe litsiung tsa Pentekosta. Ka ho tšoana feela! Lea bona? U fihla malulong ao, e mong le e mong o a hoama, 'me o a tloha, 'me ha ba amohele tšenolo. Ba itulela fatše; 'me ke bao, 'me ba shoa. 'Me Bophelo bo feta le mono hantle, bo tsoelapele ho bopa koro. 'Me mohla koro e fihlang, bophelo boo bo haotseng ka koro eo, tsoho, bo hlahisa ntho eohle; e, bo hlahisa Hloibilo.

<sup>37</sup> Joale, le hopole, Molaetsa ona o qalile pele ka pholiso ea Khalalelo, ha etsoa mehlolo. Joale, efèla ha Molimo a e lumella ho haola ka kereke ea tloaelo, joaloka ha re e fumane, e tla be e se Molimo. Molimo ha o a tlameha ho ipontšisa; ha A—ha A tlameha ho etsa lintho tsena, ho re nyakallatsa, etsoe rōna Maamerika re lemaletse hona ho (nyakallisoa), feela O etsa joalo ho hula mailutlo a batho, O mothating oa ho etsa ho hong.

<sup>38</sup> Le Mo shebe ka Sebele mohla A tlileng. "Moporofeta e monyenyanee ea babatsehang, ke rabbi, moporofeta oa Galilea." Khele, tšebetso ea Hae e ne e babatseha, O ne a amoheloa kerekeng e 'ngoe le e 'ngoe.

<sup>39</sup> Empa tsatsi le leng A lula fatše, ho re, "'Na le Ntate oa Ka re Bang."

<sup>40</sup> "Oh, khili!" Keha e fapohile. "Matjoing ka mothaka ea kang eo!"

<sup>41</sup> "Ekare ha le sa je nama ea Mora motho, la noa Mali a Hae, ha le na Bophelo ka ho lōna."

<sup>42</sup> "Khele, ke senoamali! Sirōhang motho ea joalo!" Lea bona?

<sup>43</sup> Lea bona, pontšo eo e ne e tlamehe ho saloa morao ke ho hong. Lea bona, e setsoe morao ke ho hong.

<sup>44</sup> Lekhapatla le kile la e tšoara, empa joale lekhapatla lea ikhula; le tlamehile joalo. 'Me le hopole, ho fetile lilemo tse mashome a mabeli ho eso boptjoe mekhatlo ea bolumeli ka eona, 'me ho ke ke ha ba joalo. Re pheletsong ea mekhatlo ea malumeli, koro e bopehile. Empa molato ke'ng ka koro hona joale, u ke ke... e tlameha ho robatsoa ka pela Sefahleho sa Mora, ho butsoa, pele e thonakoa ke setoroporo.

<sup>45</sup> Joale, lietsahala tseo re li bonang li hlaha, li supiloe ka Bibeleng ka botlalo, e le tsa mongoaha o mong le o mong. Re hopola hobane re tsoile taolong, empa ha re joalo, sohle se phikoloha le Lentsoe la Molimo hantle feela.

<sup>46</sup> Joale, Bibele ke buka e fapanang le buka efe e khethehileng. Ha ho buka e ka bapisoang le Bibele, hobane ke Molimo ka tšobotsi ea lentsoe. Lea bona? Ke...Lentsoe ke mohopolo o pepesoang. Mohopolo oa Molimo o E pepesitse, Mantsoe a Hae ka baporofeta; 'me ba ngotse Bibele, eona e ka sebopeho sa lentsoe. 'Me Jesu o E bitsitse, "Peō." 'Me peō efe e tla hlahisa se sa eona maemong a loketseng, atmosfereng e nèpahetseng. Joale, Buka ena ea...ke e...Buka ena ea boporofeta, E—E bolela lietsahala tse tlang ho tla. Joale, Buka e tšoere tšenolo eohle ea Jesu Kreste. Ha u eketse ho Eona kapa ha u fokotse ho Eona, 'me tšenolo efe le efe e tlameha ho tla ka Eona. Lea bona, eka khona e be Lentsoe.

<sup>47</sup> Ka hona batho ba re, "Ke fumane tšenolo." E, re tseba Joseph Smith le ba bang ba fumane litšenolo le lintho, feela li ne li khahlano le Lentsoe.

<sup>48</sup> E tlameha ho tla ho latela Lentsoe haeba e tsoa ho Molimo, hobane e tlameha ho nètefatsa kapa ho kholisa Boteng ba Molimo. 'Me lintho tsena tsohle O li tsebile pele, ka ha...Ka boitsebelopele ba Hae O baletse, o e balile pele (kahara Bibele e bitsoa, "boitherelopele") mongoaha o mong le o mong malulong a 'ona, le monna e mong le e mong malung a hae, le moromuo a e mong le e mong malulong a hae. Ke Molimo, diabolosi a ke ke a Mo sira ka letho. 'Me ke Molimo, 'me sohle O se baletse malulo a sona, 'me se tsepama le Lentsoe la Hae hantle.

<sup>49</sup> Ka hona haeba re ka bona, ka Lentsoe la Hae, mongoaha le nako eo re phelang ho eona, u tla e bona hantle mona kahara Bibele, ea mongoaha ona, seo re tlamehang... se tlamehang ho etsahala nakong ea joale.

<sup>50</sup> Joale, e—e libuka tse ling, re fumana libuka tse ngata li reiloe "libuka tse khethehileng," le joalo. 'Me ke balile e—e Korane le tse ling tse ngata. Empa, lea bona, libuka tsa bona—tsa bona ke likomelo tsa boitšoaro, tsa mekhoa, kapa tsa fiologi.

<sup>51</sup> Empa Buka ena ke Moporofeta, E fapane le buka e 'ngoe. Bibele ke Lentsoe la Molimo le bolelang bokamoso e sa le pele. Le bolela e sa le pele hobane Le lemositsoe e sa le pele.

<sup>52</sup> Molimo ha o bolela taba, O a bua o tšepisitse kahara Bibele A ke ke a etsa letho lefatšeng pele A le senoletse bahlanka ba Hae baporofeta. Eo ke Amose 3:7. Eēna... 'me Molimo a ke ke a etsa leshano. O a Le senola, esale A e sebetsa joalo ho theoha le mengoaha. Ha A eso hlollehe ho e etsa.

<sup>53</sup> Joale, re tšepisitsoe, matsatsing a ho qetela, hore ho tla boeloa ho khutlisoa sena. Ho ke ke ha ba—ho ke ke ba ba le kereke, ha ho mokhatlo oa bolumeli, Methodise, Baptise, Presbeteriane, Mapentekosta, le ka mohla ba ke ke khona (ka maemo a bona a joale) ho fetola kereke ena Monyaluoa. Ba ke ke ba khona, ba hlolleha. Ba tšoarane ka liqoqotho ho feta tekano, 'me mokhoa oa lefatše o khaselitse ka hare, le joalo, 'me

—’me ba shoeletse mehlaleng ea bona hantle. ’Me Molimo o tseba seo hantle.

<sup>54</sup> ’Me ho senola Lentsoe lena, e mong o re, “Be, ke tšoere *sena*. ’Me ho bokoe Molimo, Le *joalo*.” Ho bile joalo le mohla Jesu a fihlang khetlo la pele; mang le mang o tšoere thuto, mang le mang o tšoere *sena*. E ka khona e be ntho eo re e romeletsoeng e tsaa ho Molimo. ’Me Molimo o e tšepisitse. ’Me kamoo A tla e sebetsa feela, ke—ke ho baballa paterone ea Hae e tšoanang. O tšepisitse ho re romella, matsatsing ana a ho qetela, ho latela Malakia 4, moporofeta holim’ a lefatše, “Ea tlang ho busetsa lipelō tsa batho morao, lipelō tsa bana morao tumelong ea bontate ba boapostola.” O e tšepisitse Lentsoeng la Hae. Luka 17 le libakeng tse ngata moo A e tšepisitseng ho eona, hore Eèna . . . seo A tlang ho se etsa matsatsing ana a ho qetela ho tlisa ntho ena nètefatsong ea Lentsoe.

<sup>55</sup> Lea bona, motho a ka bua eng, empa pele Molimo a toloka Lentsoe leo . . . Lea bona, joale, re tšoere boitthalosetso ba röna, re re Le bolela *sena*. ’Me enoa, Methodise, e bua *sena*, Baptise e bua *sena*, Pentekosta e bua *sena*, ba Oneness e bua *sena*, ba Twoness ba bua *sena*. ’Me, oh, khili, ke moo. Empa Molimo ha o hloke toloko, O Itolokela ka Sebele sa Hae. O toloka Lentsoe la Hae ka Sebele ka ho Le nètefatsa mongoaheng oo Le baletsoeng ’ona, ho mongoaha oo Le o neiloeng.

<sup>56</sup> Ha re phele mongoaheng oa Pentekosta, re phela mongoaheng o mong. Lea bona, ha re phele mongoaheng oa Methodise, re phela mongoaheng o mong. Re phela holimo mona mongoaheng oa Monyaluoaa, ho bitsoa ha Kereke le ho E phutha bakeng sa Hloibili. Ke oo mongoaha oo re phelang ho ’ona joale. Ho latela mohopolo oa ka o tšepehileng ke eona ’Nete e tiileng.

<sup>57</sup> ’Me Buka ena ke buka ea boporofeta. Balumeli ba eona ba laeloaa ho E hlompha le ho E bala, le ho lumela Mongoli oa Eona, hoba Lentsoe lefe le ngoliloeng ka mono le tšoanelaa ho etsahatsoa. Sohle se tšepisitsoeng se tlameha ho etsahala, hobane Ke Jesu Kreste mongoaheng o mong le e mong. Eèna maobane, e ne e le Jesu Kreste, a le ho Nohe; e ne e le Jesu Kreste ho Moshe, e ne e le Jesu Kreste ho Davida, e ne e le Jesu Kreste ho Josefa; ke Jesu Kreste, eèna maobane, kajeno, le ka mehla. ’Me ke Jesu Kreste hara batho ba Hae kajeno, a etsa lintho tseo A tšepisitseng A tla li etsa mongoaheng ona. Ke Jesu Kreste.

<sup>58</sup> Empa kerekere e hoamme steiseleng, e hole haholo, joalo ka moena ha a buile mona. Le—le likerekere tsa röna li fetohile li joalo, ho fihlela re hloka ntho e tla re tsukutlela morao Lentsoeng. Re tseba joang hoba e tla etsa joalo? E tlameha ho hlaha ho latela leano la Molimo ka Sebele. E ke ke ea tla ka monna oa tloaelo feela, e ke ke ea tla ka rakhoebo, e ke ke ea tla ka likerekere. Molimo o ralile leano la Hae.

<sup>59</sup> Ke buile mona Shreveport letsatsi le leng, khasong e eang ka sechaba sohle, hoo, *Ho Leka Ho Sebeletsa Molimo E Se Thato Ea Molimo*. Davida o lekile ho khutlisetsa areka ea Molimo tlung. E ne e le morena ea tlotsitsoeng. Khele, o—o botsitse manqosa a hae—a hae, balaoli ba hae ba likete, le ba likete tse leshome, le ba joalo. 'Me bohle ba itse, "Ke Lentsoe la Morena leo." 'Me ba botsitse moprista, "Ho ne ho babatseha." 'Me bohle ba susumetsoa, ba hlaba littatse, ba phethisa borapeli ba meetlo ea bona e leng teng. Atha e ne e le khahlano le thato ea Molimo e tiile, hobane moporofeta o ne a le teng naheng ea bitsoang Nathane 'me ha a botsoa mabapi le eona feela. Lea bona? 'Me re e fumana e sa sebetsa leha koana ba tsepahetse, ba leka ho sebeletsa Molimo.

<sup>60</sup> 'Me u ka tsepahala haholo; empa, pele re tseba seo re se etsang, u ntse u phutlaka moea feela. Khutlela Lentsoeng la Molimo 'me u tsepame, u ntoo tloha; u tla be u tseba. Joaloka e—e lessole, ha le tsebe seo le se etsang pele le fuoa litaelo ho e etsa. Re tšoanelia ho ba masole a Bakreste, re nke litaelo tsa hora ena joale Bibeleng; ha se taelo ea maobane, ha se taelo ea maoba, empa ke taelo ea kajeno (ho ea nqa efe). Ho batlisisa hora eo re phelang ho eona.

<sup>61</sup> Lietsahala tsena tsa mehla ena li pholletsa pel'a rōna ka potlako, 'me tsatsi le leng re tla iphihlela re setse re sa tšoara letho, re tla khaioletsoa, re se re nokeloe letšoaong la sebata le pele re tseba.

<sup>62</sup> Joale, re tlameha ho e emela ka mamello, ke ho re liporofeto tse tsepisitsoeng, se seng le seng sa tsona se tšoanelia ho phethahatsoa mongoaheng oa sona. Hoba E re bolella e sa le pele, Mongoli o entse sena pele, 'me re shebeletse ho 'Mona a e phethisa hape. Re phela nakong e kakang! Ke ntho e kang ea—ea alamanaka; u sheba alamanaka ho bona letsatsi le u phelang ho lōna la selemo, 'me u sheba Bibele ea Molimo ho bona mongoaha oo re phelang ho 'ona. Ha re phele mongoaheng oa Methodise, mongoaheng oa Baptise. Re phela mongoaheng oa Monyaluo, e leng oa pitso, ho khutlisetsa ho Molimo ka kanale eo A tsepisitseng ho e hlahisa ka eona. O tsepisitse ho e etsa.

<sup>63</sup> Empa ho joaloka mongoaha o mong le o mong, batho ba lumella motho ho itthalosetsa Lona ka fiologi, 'me ha ba lumele nètgefatsa ea Molimo e Khethehileng ea Lona (eo, ke tlhaloso ea Molimo); ha se seo ke se buang, seo motho mang a se buang; empa seo Molimo a se tsepisitseng le seo Molimo a se etsang, ho khōlisa hobane ke Molimo o tolokang Lentsoe la Oona ka Sebele sa Oona.

<sup>64</sup> Ba le boleletse lōna Mapentekosta, lilemong tse mashome a mane a metso e mehlano, tse mashome a mahlano tse fetileng. Bommè le bontate ba lōna, mohlang oo le le mapentekosta a lesika, ba tsoa mokhatlong 'me ba rohaka ntho eo ba tsoa ho

eona. Feela joaloka ntja ha e khutlela mahlatseng a eona, ba khutletse kahare hape. Ba entse eona ntho e bolaileng kereke eo, le bolaile ba habo lōna ka eona ntho eo. Ha se taba e khahlano le batho ba ka mono, ha se letho le khahlano le eona, litsamaiso ke tsona tse etsang joalo.

<sup>65</sup> Lapeng, kea . . . tla ea lapeng . . . Ha ke rere sena kopanong ea motho e mong. Ke til'o rera *Mohlala Oa Noha*, le e mamele ha le fumana liteipi.

<sup>66</sup> 'Me, lemohang, ba sitiloe ho bona thasisetso ea liporofeto tsa Lentsoe la Molimo ha li phethahatsoa. Hola baprista bao . . . Keha ba ralile ka tšoanelo mokhoa oo Messia a tlang ho tla ka 'ona, ba tsebile se tlang ho etsahala. Bao—bao Bafarisi keha ba fupile mohopolo oa bona, Basadusi, Maheroda, le bohle, ba ne ba fupile mohopolo oa bona. Empa ha A tle ka . . . O tla khahlano le e mong le e mong oa bona, feela e le ho latela Lentsoe hantle. Jesu o itse ntho eo e kile ea hlaha mona: "Holane le Ntsebile, le ka be le tsebile letsatsi la Ka. Holane le tsebile, le ka be le . . . U re, 'Be, Moshe! Rōna re na le Moshe.'" Ha thoe, "Khele, holane le lumetse Moshe, le ka be le lumetse ho 'Na; hobane, o ngolile ka 'Na."

<sup>67</sup> Empa, lea bona, enereha Molimo o thasisetsa hantle seo A se tšepisitseng, keha ba ralile mokhoa oo Jesu a tlamehang ho tla ka 'ona ho latela maemo a itseng a phahameng, 'me e . . . Ke bolela Messia. Messia o ne a tlamehile ho tla hantle sehlopheng sa bona ho seng joalo e ne e se Messia. Be, ho a tšoana, bonnyane, kajeno, "Ha u sa bone ka digalase tsa ka, ha u a sheba ho hang." Lea bona, 'me ka hona hoo—hoo ho joalo—ho joalo. Rōna . . . Ke 'nete. Ha re batle ho e nahana, feela ke 'Nete e tiileng.

<sup>68</sup> Ho Baheberu 1:1, Molimo mehleng ea khale o ngotse Bibebe ka tsela ea Oona ka Sebele e hloauoeng. Ha O a E ngola ka baithuti ba thutabomolimo, le joalo ha O hhalose ka baithuti ba fiologi. Ha ho nako le ka mohla moo—moo baithuti ba fiologi ba kileng ba tšoara tlhaloso ea Lentsoe la Molimo. Tlhaloso e tla ho moporofeta feela. 'Me mokhoa o le mong ho rōna ho tsoa litšileng tsena le ka mohla ke ha Molimo o ka re romella moporofeta eo, hantle feela, e ka sebetsoa joalo feela. Esale e lumetsoe, e lebeletsoe, le—le phethahatso.

<sup>69</sup> Lea bona, ha Ea ngoloa ke motho, empa E ngotsoe ke Molimo. Ha Se buka ea motho, ha Se buka ea mofiologi. Ke Buka ea Molimo, e leng Buka ea boporofeta e ngotsoeng ke baporofeta 'me e hhalosoa ke baporofeta. Bibebe e itse, "Lentsoe la Morena le tlela baporofeta." Ka tšoanelo!

<sup>70</sup> E bapisitsoe hantle hakakang, kapa, ho bonahatsoa mohla Jesu tileng lefatšeng, 'me Johanne e le moporofeta oa letsatsi leo, 'me o—o ne a porofeta. Ba itse, "Oh, u re Molimo o tla heletsa lilekane tsa rōna tse khōlō mona le lintho tsee tsohle? 'Me nako ea

tsa, mohla litempele tsa rōna—tsa rōna ho sa tl'o hlola ho rapelloa ho tsona hape?"

<sup>71</sup> A re, "Nako ea tla eo ka eona Molimo a tla etsa sehlabelo ka Konyana ea Molimo, Monna." 'Me o itse—itse o tla Mo tseba mohla A fihlang. 'Me o itse...Keha a khotsoe hakana ka molaetsa oa hae, a ba a re, "O eme har'a lōna joale athe ha le tsebe." O har'a lōna hantle athe ha le tsebe.

<sup>72</sup> 'Me tsatsi le leng mohla Jesu a tsoang, Johanne a talima a bona pontšo holim'a Hae, a re, "Bonang, Konyana ea Molimo e tlosang sebe sa lefatše." Ka motsotsa oo Jesu a tseba hobane O ne a nētefalistsoe ka pel'a batho. Joale, E ne e le Lentsoe, na re ka e belaela? Bibele e 'Moletse e ne e le Lentsoe, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna." 'Me Ke enoa, eona...Lentsoe ke lena holim'a lefatše (shebang! Ka phethehalo!) le tsoa le kena metsing le tla ho moporofeta.

<sup>73</sup> Ke hantle, ka mehla Lentsoe le tlela moporofeta oa Hae. Ka hona re ke ke ra Le shebella ho tlela bafiologi. Re ke ke ra Le lebella ho tlela mekhatlo ea malumeli. Le tlameha ho tlela kanale ea Molimo eo A re boleletseng ka eona, 'me Le tla tla ka mokhoa oo feela le ka mohla. Le tla hlouoa, ho hanyetsoa, ho khesoa. Mohla Le tlang, Le tla lahleloa kathoko, le ntho e 'ngoe le e 'ngoe, empa Molimo o tla e etsa leha ho le joalo. Le hanyelitsoe ka ho Jesu Kreste, le hanyelitsoe ka ho Johanne, le hanyelitsoe ka Jeremia, le hanyelitsoe ka Moshe. Ho joalo ka mehla. Empa Molimo o tsamaea a kena hantle kamoo A tšepisitseng ho e sebetsa kateng. E, monghali, le ka mohla ha A hbolehe ho e sebetsa ka ho tšoana.

<sup>74</sup> Monna ea boneng pono kapa ea utloileng puo ea Hae, ha a sa E utloisia ka botlalo. Mabakeng a mangata ha a e tseba, hobane e ne e le sesebelisoa sa Molimo. Ke mehopolo ea Molimo e hhalosoang ka melomo ea motho; mohopolo, ehlile, ke lentsoe le hhalosoag. Molimo o Ikhethela ka Sebele ka khetho ea Oona—Oona ea boitherelopele ka khetho. O entse joalo mongoaheng o mong le o mong, O hlomamisitse monna oa mongoaha o mong le o mong. Joaloka Moshe, mohla a tlamehang ho phethahatsa seo A se boleletseng Abrahama. Moshe o hlahile e le ngoana e motle, e se ka thato ea hae ho ba joalo. A tsoetsoe joalo ka ha a tsoaletsoe morero oo.

<sup>75</sup> 'Me re fumana Molimo a etsa hoo mongoaheng o mong le o mong. Molimo o Ikhethela ka Sebele ka boitherelopele ba Oona ka Sebele ba khetho, ho khetha baporofeta ba Oona le lintho tsa mongoaha; ho hlophisa—ho hlophisa semelo sa hae, semelo sa monna, tšobotsi ea theroyea monna ho...ea neo ea bona le sohle seo a se etsang, ho khahlanyetsa phephetso ea letsatsi leo. Molimo o bopa monna eo o a mo roma. 'Me mohopolong oa Oona ka Sebele, joalokaha ke rerile maobane bosiu, rōna re monoko oa

lefutso la Molimo. O tsebile monna eo a tla fihla mongoaheng oo, le pele molek'hule o hlaha, kapa leseli, kapa letho lefatšeng.

<sup>76</sup> Hobane uena u lefutso la ntatao, u le ka ho ntatao, koana ntatao a sa khone ho qoqa le uena ka ha a... U ne u le kahare, feela u sa tsebe le eëna a sa tsebe, empa ua bonahatsoa hore u tle u... a tle a qoqe le uena. 'Me ha u tsoaloa labobel, u tsoaloa ke Bophelo Bosafeleng. 'Me ke sona feela sebopreho sa Bophelo Bosafeleng, 'me sona ke Bophelo ba Molimo. *Zoe*, lentsoe la Segerike ke "Zoe," sebopreho sa Bophelo Bosafeleng se seng feela.

<sup>77</sup> Ka hona ha u le mora oa Molimo kapa morali oa Molimo, u ne u le ho Molimo ka linako tsohle. Empa O tsebile moalo le nako ea ho lengoa ha hao. Ha ho le joalo u entsoe 'mopua, mora oa Molimo, mora ea bonahalitsoeng kapa morali oa Molimo ho khahlana le phephetso ea hora ena ho nétefatsa Molimo oa 'nete le o phelang oa hora ena, Molaetsa o hlahisoang nakong ena. Ke hantle! U phethiloe mona pele ho theoa lefatše. Ho seng joalo... Hola u sa khethoa joalo, leha u ka E lekisa ka thata, u ke ke ua phomèlla. U hlotla mali ho rapa athe ha ho mali mono?

<sup>78</sup> Lebaka leo ke lekang ho bua ka batho ba hopolang re... re omanya basali ka moriri o mokhutšoane, le batho ba buang le 'na ka ho bua lintho tseo, "U tla senya tšebetso ea hao." Ho senya tšebetso e tlotsitsoeng ke Molimo ka Sebe? Lekhale! 'Me ha re utloa Lentsoe la Molimo... Lesea ha le emoloa popelong ea 'mè, mohla sele e le 'ngoe eo e kenang ka mono, sele e 'ngoe e kopana holim'a eo. Ha se sele e 'ngoe ea motho, e latelang ke ea ntja, le e latelang ea katse, le e latelang ea ntho ese; ruri, ke motho, ka kotloloho. 'Me motho ha a tsoaloa ke Moea oa Molimo, ha a eketse letho bophelong ba hae, Ke Lentsoe la Molimo le sa silafatsoang le nétefalelitsoeng hora eo. O amohela Lentsoe la Molimo le tletseng, ha hlome litumeloana tsa letho, ho sotetsa letho ho Lona. Ke Lentsoe la Molimo le hloekileng le silafatsoang, le bonahatsoang har'a rōna.

<sup>79</sup> Shebang ka har'a Bibebe, le bona moo, mongoaha oo re phelang ho 'ona ke hona, ha le bona ho bonahatsoa lintho tse khôlô tsena li bonahatsoa. Molimo ha o tšepisitse ho e etsa, ka mehla O e phethisa qetellong ea mongoaha o mong le o mong mohla kereke e fihlileng moo e phikolohang, 'me e khelohile Lentsoe e khutletse sebeng le lefatšeng. Lefatše ke sebe. Bibebe e itse, "Ha u rata lefatše kapa lintho tsa lefatše, lerato la Molimo ha le a aha ka ho uena."

<sup>80</sup> Maobane bosiu, ke buile ka—ka sehlabelo se neng se hlahisoa, Konyana. E ne e hlahisoa ka matsatsi a supileng, a lekanyang mengoaha e supileng ea kereke. Ho sa fumanoe tomoso har'a batho, ho se tomoso ka matsatsi a supileng. Ho bolelang ho se letho le tsoakoang le Lona, ha Le a kenngoa tomoso, ka linako tsohle. 'Me ha re batle litumeloana tsa letho,

litomoso le lintho tse re lomosang. Ha re batle ho itsoaka le lefatše. Eka khona ebe Bohobe ba Molimo bo sa lomoasoang, Lentsoe la Molimo, Lentsoe la Molimo le sa silafatsoang, etsoe, “Motho o tla phela ke Lentsoe le leng le le leng le tsoang molomong oa Molimo.”

<sup>81</sup> Litsamaiso tsa malumeli a rōna, le liphapang le lintho, li re lomositse, le *sena* le *sane* le lefatše le feshene. ’Me, oh, ebole Hollywood e batla e tletse hohle. Ho feleng e tla itšoanelia le Engelane mono, ho memela aletare e tla ba lihlong. Khele! Joaloka moena ha a buile, “Hlapi u tla kenya joang ka sekepeng?” Ke hantle.

<sup>82</sup> Re tlameha ho bolela Evangelı bottalalong ba Eona, ka matla a Molimo ho e nètefatsa ho latela tšepiso ea mongoaha oo le ho paka hoo e le thato ea Molimo hantle. Kastle ho Moo u setho sa kereke feela, ho sa tsottelehe u leka ka thata hakae, u leka ho sebeletsa Molimo. U ka kenela pitiki ea ho roka-le-ho-tšoarissa, u ka tšepahala haholo kerekeng; empa haeba monoko oo oa Bophelo Bosafeleng bo sa reroa ka ho uena, ho ba mora kapa morali oa Molimo, u tla hola u le selō se khutlahaneng; feela u sa fetole mora kapa morali oa Molimo oa makhonthe, oa sebele.

<sup>83</sup> Ke khafetsa ke phetha pale ea ka ea ntsu e nyenyane. Mopolasi o kile a alamisa sethole sa khoho, ’me a e na le . . . Kea khloha ha ke utloahale ke thunthetsa borapeli ho lōna. Empa eaba mopolasi o alamisa sethole, ’me ke ha se . . . se haella ka lehe le leng ho alama. Ha ke kholoe mona motho a utloisia seo ho alamisa mahe ho se bolelang, hore ho hlokoaa a makae. Empa, leha ho le joalo, a haelloa ke lehe le leng, hore a lekane. Eaba o ntsetsa sehlaha sa ntsu, e qhotsitse mahe a mabeli. Lehe leo a le alamisa sethole.

<sup>84</sup> Mohla ntsu eo e qhotsoang har’ a litsuanyana tseo tsohle, e le nonyana e hlollang. E sa utloisise ho kakatletsa ha sethole, se sa bue joalo ka ba habo . . . kamoo a batlileng hore se bue. Ebe se fata ka serapeng, se ja lintho tsa serapa, e se lijo tsa eona. E le mokhelo har’ a tsona. Sethole se ne se kakatletsa e sa utloisise. Se tsoele ka mona se je *hona* se je *hoane*, eona e sa utloisise. Eaba tsatsi le leng mami oa eona, kapa ’mè, ke rialo, ho lōna. Ke . . . Koana Boroa re re “Mami.”

<sup>85</sup> Ka hona, leha ho le joalo, ea . . . ’mè oa eona—oa eona—oa eona o tsebile a qhotsitse mahe a mabeli, athe mono le leng feela, a tloha ho ea le tsoma. A likoloha hohle . . . bophareng ba naha, ’me getellong a fofa holim’ a serapa seo. A e bona tlase mane e setse sethole seo sa khale morao. A hooeletsa, “Junior! Ha u khoho, u ntsu!” E utloahala monate ho eëna. Hobaneng? E ne e le ntsu le ho qaleng.

<sup>86</sup> ’Me monna kapa mosali ea lutseng tlasa litumeloana le borapeli bo batang, bo hoammeng, haeba e reretsoe mora oa Molimo, ’me a bona Lentsoe la Molimo le boleloa ka matla a

Lona, 'me Molimo a Le 'netefatsa; ke ntsu le ho qaleng, o tla titimela ho Lona joaloka ha peli ka peli e le 'ne. A ke ke a thusa ka letho, hobane tlhaho ea hae e rata Lentsoe la Molimo. Ha ke tsotelle seo mang a se buang, mohla a bonang Lentsoe la Molimo le bonahatsoa, o fofela ho Lona ka ha e ne e le ntsu e nyenyane.

<sup>87</sup> Ha ba tsoelapele, a re, "Mama, ke tla nyolohela joang mono ho tsoa mona?"

<sup>88</sup> 'Me A re, "Qhoma feela, Ke tla u tsoara."

<sup>89</sup> Ke phetho seo u tlamehang ho se etsa, ke ho qhoma ka maoto a hao, qhomela Molimo hang, tsepiso e le 'ngoe, "Morena Jesu, ke U lumela ka pelō ea ka eohle. Ke lumela Molaetsa oa hora. Ke O bona o thasisetsoa, 'me kea O tseba o lokile." Qhoma ka maoto a hao feela, Mama o tla u tsoara. Se belaele, u ntsu, u tla be a le mono ho u tsoara hantle.

<sup>90</sup> Joale, re lemoha re phela nakong nyarosang le nako e khōlō, empa mehleng eo linnette tsa Bibele ena, balumeli ba e bone e nètefatsoa, eona nètefatso ea Lona ke bopaki ba hore Molimo o ka ho Eona. Ruri! Ke mohla Lentsoe le tsepisitsoeng, leo Molimo a le tsepisitseng, le tsebisoang. Peō e a phatloha, 'me ba E bona 'me ba E lumela. Ba bang ha ba E bone, ba tla itulela 'me ba E shebelle.

<sup>91</sup> Lea tseba, ke rerile ka thata ho lekana ho—ho . . . bophara ban aha ena, ebile mosali ea moriri o mokhutšoane ha a tsoanela ho fumanoa naheng. Empa, nako le nako, ha ke khutla, ba eketsehile. Molato ke'ng? Phoso e teng! Lea tseba Lentsoe le rialo! U re, "Be, ha e etse phapang ea letho." Ehlide e etsa phapang!

<sup>92</sup> Ho na le moena ea khabane, o itse, "Ke tla u beha matsoho, Moena Branham. Kea u rata. U senya tšebetso ea hao." Ho re, "U cha u tšolang ho bolella basali bao taba eo." Ho re, "E tlohellie balisa."

<sup>93</sup> Ka re, "Ha ba e etse le hona." Ka re, "Joale . . ."

<sup>94</sup> A re, "Be, ha se mosebetsi oa hao, u rapella bakuli feela."

<sup>95</sup> Ka re, "Ke mosebetsi oa mang, le hona? Ke bilelitsoe ho bolela Evangeli."

<sup>96</sup> Ho re, "Ke tla u beha matsoho 'me ke kope Molimo ho e tlosa holim'a hao."

<sup>97</sup> Ka re, "Le uena—le uena u ntumelle ho u beha matsoho, hape." Lea bona? 'Me ka re, "Ke tla rapela Molimo ho u tutubolla mahlo 'me u tla E bona." Ka hona, ke hantle!

<sup>98</sup> A re, "U tlameha ho rera . . . Batho ba lumela u le mohlanka, moporofeta oa Molimo." A re, "U tlameha ho ruta basali bao ho—ho amohela lineo tse khōlō le boporofeta le lintho."

<sup>99</sup> Ka re, "Nka ba ruta algebra joang athe ha ba lumele di-ABC [Always Believe Christ] e bolela "Lumela Kreste Kamehla."—

Moft.] tsa bona, pele?" Lea bona? Ke hantle. U ke ke ua etsa joalo. Ke feelsa ho ntho efe... Ke hantle. Ekare u sitoa ke linthoana tse nyenyane, lintho tsa moea u tla etsa joang? Lintho tsa tlhaho. Ehlide! Moena, khaitseli, ekare motlae, empa Ke Evangel! Ke 'Nete ea Evangel. Ke hantle!

<sup>100</sup> Lemohang, kajeno re fumana batho... Ho na le batho ba bangata ba sa E lumeleng, esita le batho ba tletseng Moea. Ke til'o le bolella ntho e tla le bipetsa. Kolobetso ea Moea o Halalelang ha e bolele u tla kena ka hare, le ho leka, ha se ka ntho eo, ha e amane le soule ea hao ka letho. Eo ke kolobetso, lea bona. Setsi sa soule ke sena, ka *mona*, e tlamehile e be e tsoa ho Molimo. Empa kantle u na le lithokutlo tse hlano, 'me tse hlano ho tsoa... mechoporo e lebisang nthong ea hao... e hokana le lehae la hao la lefatše. Bokahare, u na le seperete, 'me ka mono u na le mechoporo e mehlano: letsoalo la hao, le lerato, le joalo-joalo, mechoporo e mehlano e isang ho seperete seo. Hopola, holim'a seperete seo u ka kolobetsoa ka Moea oa Molimo oa makhonthe 'me ua 'na ua lahleha. Soule ke eona e phelang, eona e ne e reroe ke Molimo.

<sup>101</sup> Na Jesu ha a re, "Ba bangata ba tla ho 'Na ka letsatsi leo, 'Morena, na ha kea leleka batemona, ka etsa tse khōlō, mesebetsi e meholo, ho porofeta, lineo tse khōlō tsa Molimo?" O itse, "Tlohang ho 'Na, lōna ba sebetsang bokhopo, ha Kea le tseba le mehla. Ba bangata ba tla tla ka letsatsi leo."

<sup>102</sup> Na Kaiafa ha a porofeta? E ne e le diabolosi. Re fumana mono... 'Me baprista bao, banna ba baholo bao, ba ne ba bitsoa banna ba baholo matsatsing ao, ka boikokobetso le ka ntho eohle, empa ba hlolleha ho bona Lentsoe la Molimo ka Bolona le bonahalitsoeng pel'a bona.

<sup>103</sup> Re ka qotsa sehlopha sa bona seo ke se ngotseng mona. Ho ka thoeng ka Balaame? E ne e le... U re, "Molimo o fetola mohopoloo oa Hae." Ha A fetole mohopoloo oa Hae!

<sup>104</sup> Mohla Balaame a tsoileng e le moporofeta, 'me a theoha mono, mobishopo, moreri, u ka 'mitsa eng ha u batla, e le monna e moholo. Empa eare ha a botsa Molimo mabapi le ho theohela teng ho rohaka Iseraele; a sa ba rate le ho qaleng. Eitse ha a kōpa ho ea, Molimo o itse, "U se ke ua ea!"

<sup>105</sup> Eaba ba romela moholo, e le sehlopha, dibishopo tse itseng kapa baokameli, kapa ho hong, ho theoha, ha thualo, ba ruthehileng ho feta, ho mo qophella. A khutla a botsa Molimo hape. Ha u a tlameha ho botsa Molimo khetlo labobel! Molimo ha o e bua khetlo la pele, ke Eona! Ha u a tlameha ho shebella letho.

<sup>106</sup> Rebeka ha a emela taelo ea bobeli. Ba 'motsitse, ho itsoe, "U tla ea na?"

<sup>107</sup> "E reng a bue."

<sup>108</sup> A re, “Ke tla ea!” A susumelitsoe ke Molimo ka botlalo. O bile a fetoha e mong oa mafumahali a Bibele ka ho phamola sefutho sa Moea oa Molimo o phallang holim'a hae ho amohela 'nete e neng e tile, 'me o e lumetse.

<sup>109</sup> Joale rea fumana, Balaame, ehlile, keha a sa bone. O tsoile a sheba batho, ho itsoe, “Joale, beang butle motsotsotso! Re phahame, re batho ba baholo holimo mona, lōna le seholopha se qhalaneng feela.” Lea bona? “Me bohole re-bohole re lumela Molimo o le mong.”

<sup>110</sup> Ke 'nete. Bohle ba lumetse Molimo o le mong. Bohle ba khumametse Jehova. Shebang sehlabelo sa Balaame: lialetare tse supileng, palo ea Molimo e phethehileng; likereke tse supileng, lea bona; lipheleu tse supileng, tse lekanyang ho khutla ha Morena. Ho latela molaomotheo, o ne a tsepame le mola Theo hakaale ka Moshe; empa, lea bona, netefatso e Mokhethoa keha e le sieo. Mono, e ne e le baporofeta ba babeli.

<sup>111</sup> Empa tlasa tšebetso ea Moshe, ho hlahile Tšiea ea Mollo e mohlololo, Leseli le leketlang le teetse liahelo hare. Ho fumanoa pholiso ea Khalalelo, mohoo oa Khosi o utloahala liahelong, lipontšo tse khōlō, pholiso ea Khalalelo, le meeka le lintho tse entsoeng har'a bona. E ne e le pontšo ea Molimo o phelang har'a batho ba Hae.

<sup>112</sup> Ka mola Theo, ba ne ba nēpile bobeli. 'Me Balaame o lekile ho susumetsa batho, a ba loea ho e kenela. Neng? Pejana feela ba fihla Lefatšeng la Pallo. Letsatsi le leng kapa a le mabeli hape, ba ka be ba fihlile Lefatšeng la Pallo.

<sup>113</sup> Empa joale ke tšohile . . . Ena ke tlhahiso e thata ho e hlahisa, le leng la matsatsi ana ke tla thunyetsoa Eona. Empa le hopole sena, hore, likereke li ntse li louoa ke Ecumenical Council ena, o le sotetsa ho eona hantle, ho thoe “Le seholopha se le seng.” Ha le seholopha se le seng! Tsoang nthong eo le ikarole! Ruri ho joalo, Ke 'nete. Re tlameha ho itsola nthong eo, ak'o suthele hole kamoo u ka khonang.

<sup>114</sup> Balaame o itse, “Re a . . . ha re lumelleng bana ba rōna ho nyallana hobane, holim'a tsohle, re lumela Molimo a le mong.”

<sup>115</sup> “Ba babeli ba ka tsamaea 'moho ba sa lumellane?” U ka tsamaea le Molimo athe ha u lumellane le Lentsoe la Hae? U ka eketsa litumeloana le lintho tse joalo ho Lona, athe u reretsoe ho se etse joalo, kapa, ho laeloa ho se etse joalo? U ke ke ua e etsa. Ha ho mokhoa oa ho e etsa, moena, khaitseli. U ke ke ua tsoaka tomoso le se sa lomosoang. Oli le metsi li ke ke tsa kopana. Lefifi le leseli li ke ke tsa kopana. Leseli le matla hakana, le tima lefifi feela.

<sup>116</sup> ‘Me ka hona re ke ke ra e kopanya 'moho. Le joalo u ke ke ua tsoaka sebe le lefatše 'moho. U ke ke ua tsoaka Kereke le bolumeli 'moho. U ke ke ua tsoaka Kereke le tumeloana 'moho. U ke ke ua tsoaka lefatše le Evangel. E ke ke ea tsoakana! “Tsoang

har'a bona, le ikhethé," ho itsoalo ke Molimo, "Ke tla le amohela ho 'Na. Le tla ba bara ba Ka le barali, Ke be Molimo ho lōna." Re ke ke ra khona ho e etsa pele lintho tsena li bonahatsoa, 'me Lentsoe la Molimo la hora le kholisistsoe e le 'Nete. Latela mehlala eo ea maoto.

<sup>117</sup> Pentekosta, lebaka leo Luther a lahlehetsoeng ke molaetsa oa hae. Le joalo Wesley o lahlehetsoe ke molaetsa oa hae. Lea bona, hola kereke ea Wesleyan ea tsoelapele, ba ka be ba fetohile Mapentekosta. Hola Malutherane a tsoelapele, e ka be e le Bamethodise. Lea bona? Joale hola Mapentekosta a tsoelapele, e ka be e le Monyaluo. Ha u lula u salla morao molebe 'me u khutlela morao ka mokhoa oa hao oa joale, u tla timela! E tla ba lekhapetla feela, 'me tlhaka e tlil'o cheso. Re tseba seo. O tla bokella koro ea Hae molikong. Empa likhaketla tsona A li chese ka mollo o sa timeng, leha koana e bile pelesa. Ruri le kile la Le jara. Empa Bophelo bo le siile hang ha le fetoha lehlaku, bo tlohile ho ea bopa ntho e 'ngoe ba ba ba finyella boemo ba bona bo tletseng.

<sup>118</sup> 'Me le Kereke e tla haola ka Tokafatso, Khalaletso, Kolobetsø ea Moea o Halalelang (khutlisetso ea lineo), hantle ho tloha ho ea bopa setšoantšo sa Kreste. Kreste ke Monyalí, Kereke ke Monyaluo, 'me Monyaluo ke karolo ea Monyalí. E loketse ebe Lentsoe Kereke, e seng kereke ea bolumeli. E tla ba Lentsoe Kereke, Lentsoe le tsebahatsoang, le ka Lentsoe la Molimo le nètefaltsoeng.

<sup>119</sup> Balaame, ha a khona ho bona phapang. Bongata ha bo khone.

<sup>120</sup> Faro ha a Le bona, leha Le nètefaltsoe hantle ka pel'a hae.

<sup>121</sup> Dathane a sitoa ho Le bona. Dathane o tsoile mono, 'me o bone Moshe 'me o tsebile. A tsoela mono, a re, "U ikhopola e le uena feela seholpheng. Phutheho eohle e a halalela!" Molimo ha o eso sebetse joalo. O tlamehile a be a tsebile hantle ho feta moo. 'Me o itse, "Be, phutheho eohle e a halalela. U leka u le mong ho iketsa . . ." Hola re ka e bua kajeno, ka polelo ea seterata, "Eona feela naleli e pel'a khoeli."

<sup>122</sup> Athe Moshe o tsebile Molimo a mo romme tlase mono ka morero oo. O itse feela, "Morena . . ." a itihela e—e monyako oa tabernakele.

<sup>123</sup> 'Me Molimo o itse, "Ikhethé ho eëna." 'Me eaba O a ba metsa.

<sup>124</sup> 'Me le hopole, sebe sa Israele (sa Balaame ea itseng, "Bohle ba bang."), sebe seo ha sea tšoareloa Israele le ka mohla. 'Me le shebe, e reng ke le ralle palo e hlollang; har'a limilione tse peli tse faletseng Egepeta, ho kene ba babeli ba bona Lefatšeng la Pallo. E mong le e mong o jele ntho e tšoanang, bohle ba hobetse ka Moea, bohle ba ne ba ruile lintho tsa kopanelo; empa mohla nako ea ho arola e fihlileng, Lentsoe le kile la arola. Ho a tšoana

le kajeno! Lentsoe ke lona le arolang! Mohla nako e fihlileng, o itse, "Khele, mona, re a . . ."

<sup>125</sup> Ho bapa hakana, le shebe, Bibele e boletse, "Matsatsing a ho qetela meeа e 'meli," Mattheu 24:24, "e tla bapa hona, ho ka thetsang le bona Bakhethoa hola ke ntho e ka etsoang." Lekhapetla leo le tšoana le koro hantle, empa ha se koro. Lea bona? Ha se koro, empa le tšoana le eona hantle feela. Lea bona? Ho bapa hakana, ho ka thetsang le bona Bakhethoa. Le bopile mokhatlo oa bolumeli le oela kahara mokhatlo oo oa bolumeli, le a omella le a shoa, athe koro e tsoelapele e haola ka . . . Lea bona? Ke hantle haholo! Ke pelesa, empa ha se koro.

<sup>126</sup> Le hopole, koro ha e khaotse ho tsoelapele. Tsohong matla 'ohle a koro a tla minyeletsoa kahara koro, ha e tloha ho bopa hlooho, ho hlahella tsohong e khōlō.

Ha e tšoarelөe le ka mohla!

<sup>127</sup> Ha re emiseng mona nakoana feela. Kea kholoa nke ke ka le harola letsoalo. Empa, shebang, ha nke ke le botse taba. Ha re nkeng taba eo feela. Ha re re, ho tea mohlala, palo ena e tla be e lokile. Ha sepeme se tsoang ho e tona le e tšeħali li kopana, haeba u tseba lichupu tseo kapa—kapa ho nyalisa le lintho tse joalo likhomong, u tla fumana lero le tsoang ho e tona le tsaraletsa dijemse tse kaa ka milione. Le e tšeħali e lokolla mahe a kaa ka milione. Empa na u tsebile hoba ho none le le leng feela har'a 'ona? Manemane ao, kapa eng, har'a limilione tsena tsa lijemse, lijemse tse milione, jemse e le 'ngoe e tla tsoelipana e nyoloha ho batla lehe le nonneng leo e nt oo khasetса ka ho lona, athe a mang kaofela a shoa. Ke le le leng har'a 'ona le reretsoeng bophelong, a mang che, leha koana a tšoana kaofela. Le le leng har'a milione!

<sup>128</sup> Hola ho ka ba joalo bosiusng bona? Ke limilione tse makholo a mahlano, tse reiloeng, kea kholoa, ho thoe ke Bakreste lefatšeng, e ka ba bokaalo, ka litekanyetso feela. Hola hloibilo e ka hlaha bosiusng bona, ebe ba phelang ba falla, e tla ba batho ba makholo a mahlano feela. Be, ho laħleħha palo e kaalo letsatsi ka leng, bonnyane, bao ba sa ba fumaneng. Monyaluo a tla tlosoa 'me re tla e makalla; athe batho ba tla 'na ba rera, ba ntse ba re "re fumana *sena*, le *sane*, le se *seng*," 'me bonang e tla ba thetso e kakang. Ha re re ho tla ba joalo; ha ke re ho tla ba joalo, ha ke tsebe, ha ke ipehe morena oa eona. Molimo ke Moahloli mono. Empa le shebe kamoo e ka itlhahelang habonolo, ho latela lipalo tsohle le lintho, kamoo e ka kholisang kateng.

<sup>129</sup> Kore o sitiloe ke'ng ho bona Hoo? Dathane o sitiloe ke'ng ho bona Hoo?

<sup>130</sup> Akabe o sitiloe joang ho E bona? Athe Akabe . . . Mohla Josafate a theohileng ho ea bona Akabe, o itse, "Akabe, re kene khathatsong. Na u a tseba hobane Molimo o re neile lefatše lena, ke Joshua ea le arotseng? U tseba setša se holimo mona se hapuoeng ke Basiria, na ha se setša sa rōna seo?"

“E!”

<sup>131</sup> “Bana ba rōna ba bolaoa ke tlala, athe Basiria (sera sa rōna) se khorisa bana ba bona, ba fepa limpa tsa bona koro e leng lefa la rōna ka toka.” E nyallana le mangolo. Ha thoe, “Ana u tla nthusa ho nyolohela koo ho e hapa?”

<sup>132</sup> Joale, ka linako tse ling monna ea lokileng o tenyetsetha tlasa pululelo e khopo. U mpe u be seli, kereke, u falimehe hantle.

<sup>133</sup> Joale, tabeng ea pele lea tseba, Josafate, e leng monna e moholo oa morapeli, o itse, “Be, re tlameha ho nyoloha, ehlile, kereke ea rōna, bohole re batho ba le bang.” Empa e ne e se batho ba le bang! Che! O itse, “Be, kereke ea rōna ke kereke ea lōna, batho ba rōna ke batho ba lōna. Ehlile, re tla nyoloha,” a re, “re mpe re botse Morena pele.”

<sup>134</sup> Eaba o re, oho Akabe, “Ehlile bo, re tlamehile ra ba ra hopola seo. Re tla, re tla . . .”

<sup>135</sup> “Ana ha ho moporofeta oa Morena?”

<sup>136</sup> Ha thoe, “Ke na le seminare e tletseng bona. Ke tšoere makholo a mane tlase mona, ba hloahloa ba ka fumanoang. Bohle ba apesitsoe Ph.D., L.L.D., le di-L.D. tse menahaneng habeli, le hohle ho khemang le eona. E mong le e mong oa bona . . .” Joale le hopole, e be e le baporofeta ba *Baheberu*, ba fehleletsoe sekolong sa baporofeta.

<sup>137</sup> Ha thoe, “U ka ba nyolla, re tle re ba utloe.”

<sup>138</sup> Joale, ke kholoa e ne e le Tsedekia (hlooho e khōlō e okametseng bishopo, kaofela ha bona) ea nyolohileng mono, ’me a bululetsoe. O ne a bululetsoe, ruri. A nyolohela mono, eaba o iteela linakahali tse peli tsa tšepe. A re, “Lea tseba, HO RIALO MORENA, ‘U tla khoesa linaka tsena u theselele Basiria kantle ho naha.’”

<sup>139</sup> Be, eaba bohole ba porofeta, “Taba eo ke ’nete!” E mong le e mong oa bona, seminare eohle, ea e-ba ntsoeleng. Lea bona?

<sup>140</sup> Akabe a re, “Ua bona?”

<sup>141</sup> Josafate, kaha e le motho oa moea, lea tseba, o ne a sa omella khèrè, o itse, “Empa ana ha ho sa na e mong tao-tao, ra ’motsa?”

<sup>142</sup> “U batlela’ng ho botsa ba bang, athe Ecumenical eohle (lekhotla lohle), le re ‘Ho itoketse?’” (Le ntšoarele, lea bona.) “Ntho eohle e tlalehile joalo, ‘Ke sona se re tlamang ho etsoa.’” Lea bona? “Ke se re lokelang ho etsoa.”

<sup>143</sup> A re, “Empa na ha ho e mong nqa e ’ngoe?” Moiloa eo, lea tseba.

<sup>144</sup> A re, “E, o teng. O teng e mong, Mikea mora Imla, feela ke mo hloile.” Joalo le ka mehla. “Ke mo hloile hobane ha a phetse ho halefela batho ba rōna, ’na o a nthohaka, o bua tse mpe tsohle ka ’na. Monna eo ke mo hloile!”

<sup>145</sup> Ha thoe, “Ah, morena a se riatsa.” Ha thoe, “Mo late.”

<sup>146</sup> Eaba ba tloha ho ea bona mora Imla, ba bang e le—e le babishopo, kapa, ba bang e le baholo, 'me ba ea teng, ba re, "Joale, sekehetsa tsebe, na u batla ho busetsoa mokhatlong? U bue joaloka bona, ba tla u busetsa."

<sup>147</sup> Empa athe Molimo o ipoloketse monna eo ba sa kang ba 'meha matsoho a bona holimo; Molimo o ne a 'mehile matsoho a Oona. E ne e le feela khalimiso ea 'Nete ea Molimo. Ha thoe, "Ehlile," ha thoe, "Ke tla theoha, feela ke tla bua seo Molimo o se beang molomong oa ka." Ke eo monna oa Molimo. O itse, "Le ka ntebalisa bosiu ba kajeno." Bosiu ba fihla, eaba Morena o buisana le moporofeta, mothoana e-se-mang. 'Me ntho ea pele lea tseba, a bitoha hoseng ho hlahlamang.

Ha thoe, "U re'ng ka eona, Imla?"

<sup>148</sup> A re, "Le ka nyoloha," ho re, "empa ke bone Israele a qhalane sa linku leralleng, e se na molisa."

<sup>149</sup> A re, "Ke itse'ng ho uena! Ke itse'ng ho uena ka eona!" 'Me a re . . .

<sup>150</sup> Eaba bishopo-moholo o nyoloha a mo phobola molomo, ho re, "Moea oa Molimo o lebile nqa efe? Hoba ke itsebile ke amohetse Moea; ke hobetse ka Oona, ke entse lintho tsena tsohle. Lea bona, Ke—ke ne ke amohetse Moea holim'a ka. Ebe O ile nqa efe?"

<sup>151</sup> Joale, lea bona, Imla ka ho ba mora Molimo, kapa moporofeta oa Molimo oa makoma, o bapisitse pono ea hae le Lentsoe. Hola e sa bapa le Lentsoe, e phoso. Lea bona? Lentsoe la hora eo, lea bona. Joale, o itse ho latela mangolo, lefatše ke lefa la bona, lefatše ke la bona. Ho latela Mangolo, sohle se bonahetse se lokile haese ho le hong feela.

<sup>152</sup> Le hopole, Lentsoe le le leng ke lona le rohakileng tšila eohle e beng e tla latela, Eva o sitiloe ho lumela Lentsoe le le leng la Molimo; qalong ea Bibebe, Lentsoe le le leng le hlahisitse bothata. Jesu, setsing sa Bibebe, o itse, "Motho o tla phela ke Lentsoe le leng le le leng le tsoang molomong oa Molimo." Mathethong a Bibebe, ho itsoe, "Ekare ha e mong a tlosa Lentsoe le le leng kapa a eketsa lentsoe le le leng ho Eona."

<sup>153</sup> Ha se karolo ea Evangel... Karolo ea Bamethodise, Mabaptise, Mapresbeteriene, le joalo-joalo, ba fumane karolo ea Lona, Katolike e fumane karolo ea Lona, Lipaki tsa Jehova, ba bang bohle.

<sup>154</sup> Empa Ke Lentsoe lohle, Lentsoe lohle, Lentsoe la hora; le etsang taba. 'Me re ke ke ra e khona pele Molimo a tlotsa moporofeta ea ka emang 'me a Le bolela, le ho Le thasisetsa, le ho Le kholisa hore Le lokile. Le tla phölletsa har'a batho, 'me ba ke ke ba Le tseba le ka mohla, ho bile joalo le ka mehla.

<sup>155</sup> Löna Katolike, joaloka Joan of Arc, le mo chesitse thupeng le re ke moloi; hamorao la epölla mebele ea baprista, lilemo tse

makholo a mabeli hamorao, eaba le a lahlela nokeng. Ha lea tseba Santa Patrick le ba bang bohole ba bona.

<sup>156</sup> Le tla phölletsa hape pakeng sa matsoho a lōna, ntho ea pele lea tseba. Molimo o tla e etsa, 'me ha le ka ke la tseba hoba e entsoe. Lea bona, O khukhuna hantle feela ho nka Monyaluo a Hae a Mo nyolla, a Mo utsoa, hantle har'a batho.

<sup>157</sup> Re fumana, Mikea e monyenyan enoa a ipoletse a lekotse, o tsebile Molimo o boletse, ka moporofeta ea mo etileng pele. Moporofeta ea mo etileng pele, o boletse'ng? O buile sena, o itse, "Akabe, ka ho tšolla mali a ea lokileng, kapa a Nabothe ea lokileng, lintja li tla nyeka le a hao mali, le Jesebele." 'Me ke eona hantle, ea tlameha ho etsahala hobane Molimo o e buile. Moporofeta eo o be a ka porofeta botle athe ke bobe khahlano le eona?

<sup>158</sup> Nka borella Mongoaha oa Kereke ea Laodisea lintho tse molemo athe Molimo o buile khahlano le 'ona? U feela, malimabe! U re, "Ke morui, ke betetšana... ke theile likereke tse kang Methodise, le Mabaptise, le Mapresbeteriene. Ke na le *sena*, ke na le *sane*; *hona* ho khabane, *hoane*, le ho *hong*." Ke hantle, athe ha u tsebe u feela, sefov, malimabe, nqa ntho ea makhonthe eo Molimo a e bonahatsang. E tla u feta mohoalotso hantle joalo, ka mokhoa oo, ho tsoa hantle. Lea bona? Lumelang, lōna batho, pele nako e feta.

<sup>159</sup> Joale, re mo fihlela a mo jabetse molomo, le ho re, "Ebe ke nqa efe moo Moea oa Molimo...?"

<sup>160</sup> Mikea o itse, "Ke bone Molimo a lutse Teroneng. 'Me bohole... A bitsa makhotla a Leholidō, ho re, 'Re ka romela mang ho theoha le ho ea thetsa Akabe?'" Ho re, "'Me ha nyoloha moea o mong oa leshano oa itihela pel'a Molimo; raleshano." 'Me le hopole, moea oo oa leshano o kene ho baporofeta bao, ba tlamehile ba be ba tsebile hoba moea o holim'a bona ha o nyallane le Lentsoe. Empa ba ne ba nkehile haholo ka ha e ne e le baporofeta ba morena, tsohle ba li beetsoe hamonatjana.

<sup>161</sup> Le kereke ea kajeno e entse joalo. Le ngalile boiphihlelo boo ba lilemo tse fetileng mohla le emeng koung ea seterata le bolela Evangeli. Ho tsoa mekhatalong eo le ipitsa "batho ba lokolotsoeng!" Lekhale! Hobane le itharile teng hape, joaloka kolobe seretseng sa eona kapa ntja mahlatseng a eona. Efèla ha e hlatsisitsoe khetlo la pele, e tla hlatsisoa hape. Ke hantle! Molimo o le hlatsitse molomong oa Hae, O itse, "U fofo, ha u chese kapa ha u bate"; ho tšoaroa likopano tse 'maloa, ho letsoe ha 'maloa, 'mino, le—le ho bina nakoana, athe, ruri... bonnyane ke lihlong ho Bokreste.

<sup>162</sup> Mora o mpitsitse tsatsi le leng ho shebella thelebishene, ho epiloe seboka sa batho ba binang. Mono ho eme mphi eo ea bo-Ricky, ba itsukutla ba etsisa rokon-rolo ena, ba bina lifela tseo, ke tlotlollo ho Jesu Kreste! Kereke e timeletsoe ke botšepehi

bohole. Ntho eohle e batla e fetotsoe rokon-rolo e itseng, le papatso ea feshene, sebakeng sa Kereke ea Molimo o phelang moo Jesu Kreste a ka Ipontšang teng ka matla. Ho 'na ekare, phoso e teng nqa e 'ngoe. Ba ntse ba ritsa. 'Me Bibele e boletse ho tla ba joalo. Lea bona? Shebang moo le emeng teng. Le ele hloko, le phaphame nako e-so fete.

<sup>163</sup> Joale rea fumana, O itse, "Ke mang ea ka tsoelang koo ho thetsa Akabe, ho mo nyollela mono ho tlatsa mantsoe a baporofeta?" Lea bona, moporofeta ha a buile Lentsoe, maholimō le lefatše li tla feta empa Le ke ke la hholeha. Le tlameha ho phethahala. Ka hona ke eona, e ne e tlamehile ho etsoa.

<sup>164</sup> O itse, "Hlahlelang monna enoa chankaneng e kahare, le mo fepe bohobe ba mahlomola le metsi a mahlomola. Mohla ke boeang ka khotso, ke tla mo hlokomba."

<sup>165</sup> Mikea a ema mono a tible, o itsebile a ruile Moea oa Molimo. Boporofeta ba hae, lipono tsa hae li nèpile. Moaetsa oa hae o lokile, hoba E ne e le HO RIALO MORENA e tsoang liponong, HO RIALO MORENA ho tsoa Lentsoeng. E ne e tlamehile ho loka, e ne e le HO RIALO MORENA. O itse, "Ha u ka boea, Molimo ha o a bua le 'na." 'Mele tseba se hlahileng, ehlide. Lea bona, lôna . . .

<sup>166</sup> Utloisia, moena. Mamela.

<sup>167</sup> Ehlide, Kaiafa, ha a khona Le bona. Hobane'ng a sa sheba fatše . . . ? E ne e le—e le bishopo, e le mopapa oa likereke tsohle 'moho. Hobane'ng monna eo a sa bona Jesu ea emeng mona? Hobane'ng a sa utloisia? Athe ba binne Pesalema 23, Pesalema ea 22, ke rialo, ka har'a kereke, 'me, "Molimo oa Ka, Molimo oa Ka, U Ntloheletse'ng na?" 'me mona A leketlile sefapanong. 'Ona Mangolo ao, 'ona Molimo oo ba neng ba o khumamela, ba ne ba Mo ahlola 'me ba Mo bolaea ka ho ba "lehlanya." Ke eo.

<sup>168</sup> E tla le harola letsoalo ha nka le bolella hobane e mothating oa ho ipheta. Bibele e Mo tlalehile A le kantle a leka ho kokota ho kena, 'me ho se ea batlang ho Mo bulela, "Ke laea ke khalema eo Ke mo ratang, Ke a mo omonya, Ke a mo tsukutla, empa ke hobane Ke mo rata. Bula 'me u Ntumelle ho kena." Yaa. Ha ho a khoneha . . . "Hopolang, Ke ne ke sa batle ho kena ka har'a kereke; ke eo, motho ka bomong." Ha A khona ho kena kerekeng, ba Mo notleletse ka ntle. Feela . . . eaba, ona feela mokhatlo har'a eona eohle, ke mongoaha oa kereke ena, O ne a eme ka ntle ho kereke. A ntšitsoe! Latotsoe! Khesitsoe! Hobane . . . O bonahalitsoe nakoana feela ka har'a likereke tse ling, ka sebopoho sa tokafatso, joalo-joalo; empa ka mona, mongoaha o tla latela joale, ke ponahatso e tletseng ea nètefatso ea Jesu Kreste eëna maobane, kajeno, le ka mehla. Oh, kea lumela re fumana baetsisi ba bangata, empa hlahloba ea pele, ea mantlha.

<sup>169</sup> Moshe o theohile a tšoere melao ea Molimo, ho loela Iseraele; 'me hoba a etse, o entse meeka e 'maloa. Baetsisi ba mo sala

morao. Holane ba tlie pele, moetsisi e ka be e le eèna. Lea bona, o ne a tšoere Lentsoe la Morena, eaba Morena o a nètefatsa; a itulela ka khutso.

<sup>170</sup> 'Me, lea tseba, hoo ho tšepisitsoe matsatsing a ho qetela? "Joaloka Jambrese le Jannese ba hanetse Moshe, ho tla ba joalo le ka banna bana ba likelello tse bolileng ka nqa ea 'Nete." 'Me ha mokhatlo o boloka e... o nka motho o mo fetisa mokhatlong oo, hoo ho o supa o sa tsoa ho Molimo; hobane, Molimo lintho tseo o li etsa ho hula maikutlo a batho, ebe hoo ho saloa morao ke Molaetsa. Haeba ho se joalo, ha se Molimo. Ha se Molimo! Molimo o etsa joalo ka mehla.

<sup>171</sup> Judase ha a khona ho Le utloisia. O tsamaile le Eèna hantle, ha a ka a Le bona.

<sup>172</sup> Empa oa makhonthe, ea reriloeng ke Molimo, monoko oo oa makhonthe, lefutso leo la sebele, soule ea Molimo e neng e le ka ho Molimo pele ho motheo oa lefatše; hopolang, lôna ba ruileng Moea oa Molimo kannete bosiusing bona, le ne le le mona ka ho Kreste hobane E ne e le bottlalo ba Lentsoe. E ne e le bottlalo ba Bomolimo ka 'mele. Molimo o no o le ka ho Kreste, ho busetsa lefatše ho Oona. Na le lumela seo? Shebang, O ne a le ka ho Kreste. Ka hona haeba u ne u le ka ho Molimo, monoko, lentsoe, bokhetheho le ho qaleng, e tla ba u tsamaile le Eèna mona holim'a lefatše, u qoqile le Eèna mona holim'a lefatše, u hlorisitsoe le Eèna mona holim'a lefatše, u shoele le Eèna mane Kalvari, 'me u tsohile le Eèna hape; 'me joale u lutse libakeng tsa maholiō ka ho Kreste Jesu, ho qoqa le Eèna (Lentsoe) nakong ee Le ntseng le fepa moea oa hao, ho re, "Motho o tla phela ka Lentsoe le leng le leng le tsoang molomong oa Molimo."

<sup>173</sup> Ha se lentsoe la Methodise, lentsoe la Baptise; hopolang, enere ha sehlabelo se sala, se tšoanelo ho chesoa pele letsatsi le chaba, hobane hosane ke mongoaha oa kerek e sele. Ke hantle? Exoda, Ke 'nête. Simbolo, papiso ea Sehlabelo.

<sup>174</sup> Monyako. Ha thoe, "Ke tla bea nqalo e le 'ngoe. Le se ke... Le se ke la Ntšebeletsa monyako ofe le ofe oo Ke le neang 'ona; empa Monyako o mong feela, 'me Ke tla bea Lebitso la Ka Monyako oo." 'Me moo Morena a beang Lebitso la Hae teng, Molimo o tla amohela sehlabelo sa lôna teng. Re entse menyako ea mefuta eohle, empa Molimo o entse Monyako. Molimo o entse Monyako, 'me Monyako o ne o... Santa Johanne khaolo ea 10, Jesu o itse, "Ke 'Na Monyako oo."

<sup>175</sup> Molimo o beile Lebitso la Hae ho Jesu. Lea e lumela na? E ne e le Mora Molimo. Mora e mong le e mong o tla ka lebitso la ntatae. O itse, "Ke tla ka Lebitso la Ntate oa Ka, ha le Nkamohele." Ke tla ka lebitso la ntate oa ka, u tla ka lebitso la ntate oa hao. Jesu o tla ka Lebitso la Ntate oa Hae, ka hona Lebitso la Ntate oa Hae ke Jesu; ka nèpo, hobane O tlie ka Lebitso la Ntate oa Hae.

<sup>176</sup> "Me 'Na ha le nkamohele. E mong o tla tla, feela eèna le tla mo amohela." Le ee le inkele malumeli a lôna le tsamaee le 'ona. Ho tsoelapele feela, Bibele e itse, "Ba hlahiselitsoe ho tlatsa sebaka sena. Sefofu, feela, athe ha ba tsebe." Kereke, borapeli, oh, a tletse khalalelo, joaloka Kaine feela; a nyehela sehlabelo, ho tšoantsisa sohle le Abele. Empa o senoletsoe sakramente eo ka tšenolo, ha se ka litholoana tsa tšimo le tsa mosebetsi oa letsoho la hao.

<sup>177</sup> Molumeli o khona ho bona Lentsoe le entsoeng nama; ba bang ha ba khone ho e etsa.

<sup>178</sup> Baiseraele bao bohole, hoba ba bone Moshe a etsa mehlolo 'me a ba nyollela hantle lekhotleng le leholo, moo le beng le tla tšoareloa teng, e mong le e mong oa bona o itse, "Re tla tsamaea le Balaame, ka ha re hopola Ngk. Balaam a lokile. O bohlajana, o rutehile ho feta, ntho e 'ngoe le e 'ngoe, ka hona re tla e nka feela."

<sup>179</sup> Molimo ha o a ba tšoarela le ka mohla, O ba falalitse hantle mono feelleng. 'Me Jesu o itse, ka Seqo, "Ba ke ke ba hlaha, ha ho a bolokeha le e a mong oa bona." Jesu o itse . . .

<sup>180</sup> Ba itse, "Bontata rôna ba jele manna feelleng lilemo tse mashome a mane."

<sup>181</sup> O itse, "E mong le e mong o shoele, o arohantsoe le Molimo ka Bosafeleng. E mong le e mong o shoele." Ruri! Hobane ba mametse phoso. Holim'a Moshe, ea nètefalitseng ke Molimo, le moetapele ea tlang ho ba supisa tsela e eang lefatšeng la pallo, 'me ba tlameha ho tsamaea ho fihlela mono hantle, empa ha ba ka ba tsoelapele le eèna.

<sup>182</sup> Joale, balumeli ba khona ho Le bona, empa bomosalumele ha ba khone ho bona ntho Eo e nètefalitsoeng.

<sup>183</sup> Shebang Kaiafa ea oa morapeli. Shebang borapeli bo bo kakang ba moprista kaofela ha bona. 'Me Jesu a retoloha, ho re, "Le bana ba ntata lôna diabolosi, le etsa le mesebetsi ea hae."

<sup>184</sup> Empa mono keha ho lutse balumeli ba 'maloa. Le nahana barutuo a bao ba utloisisitse mohla Jesu a itseng, "'Na le Ntate re bang"? Ha ba khona ho E hhalosa. Mohla A itseng, "Ha le sa je nama ea Mora motho, le sa noe Mali a Hae, ha le na Bophelo." Na ba khonne ho E hhalosa? Che. Empa ba E lumetse, hobane ba bone Molimo a nètefatsoa 'me a etsoa nama.

<sup>185</sup> Jesu o itse, "Ekare ha Ke sa etse mesebetsi ea Ntate oa Ka, le se ke la lumela ho 'Na. Empa ekare ha Ke etsa mesebetsi ea Ntate oa Ka, Lentsoe leo Ke baletsoeng ho le phethisa, le mpe . . . Ha le sa lumele ho 'Na, le lumele mesebetsi eo Ke e etsang, le tle le bolokehe" Lea bona? Jesu o itse, "Linku tsa Ka li tseba Puo ea Ka. Li tseba Lentsoe la Ka, li Le bona Le nètefaletsoa mongoaha oo."

<sup>186</sup> “Be, Kaiafa le eèna o tsebile Lentsoe!” Empa e seng Lentsoe la mongoaha oo. O ne a tšoere lentsoe leo a le sutetsoeng ke Bafarisi, empa e seng Lentsoe le nètefalitsoeng la hora eo.

<sup>187</sup> “Li tseba Puo ea Ka, li tseba pontšo ea Ka, li tseba meeka ea Ka.” Ho tla joang joale, ho . . .

<sup>188</sup> Oh, ha re khutleleng therōng ea rōna, hoba re tla tlola Mangolo a mangata ana ha re sa etse joalo, ka ha ke tlameha ho koala metsotsong e ‘maloa e latelang le hona, hoba hora ea leshome e tla otla metsotsong e ‘maloa. Kea Mo rata.

<sup>189</sup> Metsoalle, lōna batho ba tsamaileng lipakeng tsa litulo tseo la phutha monehelo oo nakoana e fetileng; batho ba fepileng bana ba ka, la apesa mokokotlo oa bona ka liaparo; batho ba kentseng chelete ea lōna (eo le e sebelelitseng ka thata) sejaneng sa monehelo, na le tseba moo e eang teng? E thusa ho nkisa mose ho maoatle ho bahetene bae so utloe letho ka Molimo. Ke e sebelisa joalo, peni e ‘ngoe le e ‘ngoe, Molimo ke Moahloli oa ka. Mona ho lutse ba bang . . . mona ho lutse monna ea ikarabelang ka—ka matlole a kereke ea ka. Ke lefshoa didolara tse lekholo ka veke, ‘me ke phetho; e ‘ngoe e tšehtsa likopano tsa mose ho maoatle bao ha ba khone ho tla.

<sup>190</sup> Likereke ha li mpatile. Ha li nthate. Che. Ke hantle! Hona joale ba mpitsa: “Ke . . .” Ba re, “Ke ‘mo-Jesus Only,’ kapa ke ntho e kang eo, kapa ke mohanyetsi ea itseng, lehlanya, le tsohle ka mokhoa oo, e—e Jesebele.” ‘Me ke—ke ile ka e sheba, ba bitsitse Morena oa ka, “Jesebele,” ‘me ba Mo bitsitse . . . e seng Jesebele, empa “Belsebule.” Ba Mo bitsitse mabitso ao ‘ohle a mabe. “Ekare ba bitsitse Mong’ a ntlu, ‘Belsebule,’ hakakang ba tla bitsa barutuoa ba Hae joalo?” Ka hona ha e etse phapang ea letho.

<sup>191</sup> ‘Me lōna, ka thuso ea Molimo, le nahana nka ema mona, ke le moikaketsi e moholo, ka le bolella ntho e . . . ? Kapa, na nke ke ka itahlela ka setotsoana hola ke e hopola e tsoa ho Molimo?

<sup>192</sup> Empa haeba ke le rata ‘me ke tseba ‘Nete . . . Na le nkutloile ke bolela taba e sa hlahang ka Lebitso la Morena? Che. Ke botsa mang le mang. Ho boletsoe lintho tse likete, tsohle li a etsahala. Le sa hopola mohla Samuele a bitsoang, kea kholoa ke eèna, ‘me o itse . . . ? Iseraele a batlile ho ipapisa le lichaba tse ling. Ke hona moo lōna Mapentekosta le fihileng teng. Le batla ho tšoantšisa le batho bohle. Ha le batho ba mofuta oo. Itšoleng ho eona. Likereke tse khôlô le lintho tse khôlô tse khabane, oho moena, se etse joalo. Re rera ho tla ha Morena ho haufi, ha re keneng masimong mane re lemose mohetene. Lea bona, etsa ho hong ka eona.

<sup>193</sup> Empa, lea bona, Samuele o itse, “Na nkile ka le amoha chelete ea lōna ho iphelisa ka eona?”

<sup>194</sup> Ba itse, “Che, Samuele, ha u eso etse taba eo.”

<sup>195</sup> Ho re, “Na nkile ka le bolella taba e sa hlahang ka Lebitso la Morena?”

<sup>196</sup> “Oh, ke hantle, Samuele. Rea lumela hoba u moporofeta ea romiloeng ke Molimo. E, monghali. Tsohle tseo u li boletseng li hlahile, Samuele. Empa rea e batla le hona.” Le bona se etsahetseng. Oho moena, Lengolo le lula le Iphetha ho ea morao le pele har'a Lengolo, hoba Molimo o e sebetsa joalo, lea bona. Lea bona, le fihlile linakong tse kang tsena.

<sup>197</sup> Ha re keneng therōng ea rōna ka potlako. Joale, ke qetile nako ena eohle, ’me ha ke eso fihle therōng ea ka le joale.

<sup>198</sup> E lutse pelōng ea ka! Kea le rata! Le se ke la timela ’moho le lefatše! Ha u le oa lefatše, u tla timela le lefatše. Ha u le oa Molimo, u tla ipapisa le Eèna tsohong. Fetola tlhaho ea hao bosiung bona ho tsoa leratong la lefatše le linthong tsa lefatše, le litumeloana tsena tsohle le lintho, ’me u shebe Kalvari ka kotloloho ho Sehlabelo sa hao; kopana le Eèna litšeng tseo, hobane ke eona feela nqalo eo A tlang ho kopanela le uena teng le ka mohla. O . . .

<sup>199</sup> Bamethodise ba re, “Ke kereke ea rōna”; Mabaptise a re, le Mapentekosta, le *sena*, le Mapresbeteriene, le *sena*.

<sup>200</sup> Empa O itse, “Ke tla kopana le bona nqalong e le ’ngoe, Nqalong eo Ke beang Lebitso la Ka.” Ke ka ho Jesu Kreste. Ke hona moo Molimo a beileng Lebitso la Hae teng. Ke eona feela nqalo eo A tla kopana le uena ho eona; ’me ke Kreste, ke Lentsoe, eèna maobane . . . Le holile le qala maotong, lirope. ’Me joale ke hlooho, e itokisetsa ho tsamaea; ponahatso ea tekano e tletseng ea Monyaluoa, joaloka Monyali.

<sup>201</sup> Joale ha re keneng therōng ea rōna, ka potlako ruri, metsotso e ka bang leshome, re ntano koala. Joale therō ea rōna, bohole re tla batla ho e nahantisisa. E boetse e etsahetse, ho laela therō ea rōna, joaloka ha e etsahetse ka mehla.

<sup>202</sup> Molimo o rometse moporofeta oa Hae kamoo A . . . Lentsoe le tsepisitse ka Malakia 3, “Ke tla roma lenqosa pel’ a sefahleho sa Ka ho lelekela ho tla ha Hae.”

<sup>203</sup> Joale ha u batla ho e nètefatsa, ho e kholis; Mattheu, khaolo ea 11, e nètefatsa hona hoo. Mohla barutuoana ba Johanne ba tlileng ’me ba bona Jesu, ba itse, “Johanne o chankaneng.” Ho re, “Re tlide koano ho U botsa haeba a fèla . . .”

<sup>204</sup> Leihlo la Johanne la ntsu keha le koahetsoe ke lera. ’Me a le chankaneng, a le mothating oa ho shoa; ho re, “E-eang le Mo botse.”

<sup>205</sup> Lea bona, Johanne o itse, “Oh, seoloso sa Hae se letsohong la Hae, O tla fiela seotlo sa Hae ruri.” A hopola Lilemo tse Sekete li tla qala hona hoo, a hopola tlhaku e se e lokile. Empa e ne e tlameha ho shoa ’me e kena ho tlhaka, ho nyoloha hape e bopa Monyaluoa oa mannete. Eaba o re, “O tla bokella koro ea Hae

molikong, 'me O tla chesa, mollo.' Shebang eo—eo moetellipele oa Kreste mongoaheng *oo*, seo a boletseng se tla etsahala. "Eona tlhaku . . ."

<sup>206</sup> 'Me kea tsepa ha le a robala. Tlhaku e teng mona! E tla bokelloa molikong. E ne e le Monyaluoa eo, karolo eo ea eona. Empa O itse tlhaka e tla hlaheloang ke'ng? E tla chesoa ka mollo o sa timeng. Batlisisa poloko joale u sa khona. E ba tlhaku, e seng tlhaka. Lea bona? Kena Bophelong, e seng sebopheho sa khale se shoeleng; kena Bophelong ba Kreste, Lentsoe le bonahalitsoeng, eona . . . ho bonahatsoa le ho nètfatsoa joalo. Ena ke—ena ke nako ea ho bokella, sekele e tla fihla. U mpe u kene kahara tlhaku, hobane lekhatlapetla le tlil'o sala.

<sup>207</sup> Joale, re e fihlela e etsahetse, Jesu . . . Ho qetella qotso ea ka mona, ho Mattheu 11 ena. Lea bona, ha A ka a nea Johanne . . . O re, "Joale, beang butle, Ke tla fa Johanne buka ea boitšoaro, *Molumeli Ka Hara Chankana*." Che! O itse, "Emang le shebe se etsahalang. Le khutle le bontše Johanne se etsahalang: liritsa li a tsamaea, lifofu li a bona, bafu ba tsoha, 'me Evangelie boleolloa bafutsana." Hantle feela seo moporofeta a se boletseng se tla etsahala. "'Me ho lehlohonolo ea sa khoptjoeng ho 'Na."

<sup>208</sup> 'Me barutoana ba hae ba hloa leralla, A retoloha, ho re, "Le ne le tsoile ho bona'ng mohla le tsoileng ho bona Johanne? Ana le ne le tsoile ho bona monna ea apereng likobo tse bonolo, le joalo, ea dik'holloro li hlanotsoeng, le sena sohle, lea tseba?" Ho re, "Ba matlung a likhosí, ba aka masea 'me ba pata maqheku, ha a tsebe letho ka ho tšoara sabole e leolitsoeng ka nqa tse peli." Lea bona? Ho re, "Le ne le ile ho bona'ng? E—e lehlaka le tsukutloang ke moea ofe le ofe?" ("Tloo, Johanne, ke tla u lefa chelete e ngata ha u ka tla koano." "Be, ho bokoe Molimo, ha ke sa le Methodise hape, ke tla ba Pentekosta, ke tla ba Presbeteriene, ke tla ba *sena, sane*, ha feela chelete e le ngata.") Ho re, "Le ne le sa ea ho bona lehlaka le tsokotsoang ke moea." Ho re, "Le ne le ile ho bona'ng mono, moporofeta?" A re, "E, ea fetisang le moporofeta."

<sup>209</sup> Bofokoli boo Johanne a fapileng Jesu ka bona. Athé e tsebjoa e ne e tlameha ho tla joalo; o Mo botsitse hoba a Mo tsebise a bone Pontšo eo holim'a Hae, o itse, "Enoa ke Messiah," a ntoo hlanoha a botsa, "Ana U Èëna, kapa re emele e mong?"

<sup>210</sup> Empa, shebang, Jesu o tsebile taba eo, O ile a hlanoha a mo tlotsila, ho re, "Le ne ile ho bona'ng, lehlaka le tsokotsoang ke moea?" Ho re, "Har'a ba tsuetsoeng ke mosali ha ho ea moholo ho Johanne, ho fihlela letsatsi lena." Ke hantle! Ke tlotsila e kakang ho lebisoa mothong!

<sup>211</sup> Empa, le a bona, e ne e le moo, boporofeta bo ne bo phethiloe pel'a sefahleho sa bona hantle, ka moetellipele ea fihlang, hantle joaloka Malakia ha a boletse. Joale, eo ke Malakia 3, ha se Malakia 4.

<sup>212</sup> Johanne Mokolobetsi e ne e le Malakia 3, Jesu o itsalo. Mohla ba Mo botsitseng, ho itsoe, “Ebe hore’ng bangoli ba re . . .”

Ha thoe, “O se a tlide. Ba entse seo ba se boletseng.”

<sup>213</sup> Empa, le hopole, Malakia 4, hang ka mora moporofeta Malakia 4, khetlo la bone la ho fihla ha Johanne Mokolobetsi ka . . . kapa ha eo . . . ha Elia. La bohlano ha a fihla e tla be e le Tšenolo 2, lipaki, mohla a tlelang masalla a Bajuda. Empa Molimo o sebelisitse Moea oo ha hlano: mohau, J-e-s-u-s, haesale e le Jesu ka linako tsohle; f-a-i-t-h, g-r-a-c-e, le joalo. Le a bona? Palo ea hlano ke palo ea mohau ‘me O e sebelitse. E ke ke ea sebelisoa hararō feela, ho ke ke ha sebelisoa peli feela, tharō, ‘ne. Ke ka makhetlo a mahlano A e sebelisa.

<sup>214</sup> Joale, le lemohe ka potlako joale, ha re qetella. O itse, “Ke eena ea boletsoeng ha ho thoe, ‘Ke roma lengosa la Ka pel’ a sefahleho sa Ka.’”

<sup>215</sup> Empa ho Malakia 4, hang hoba moporofeta eo a porofete, lefatše lohle le a chesoaa, ‘me ba lokileng ba tsamaea holim’ a melora ea bakhopo. Lea bona? Ke eona! Lea bona, boo ke boporofeta ba Malakia 4.

<sup>216</sup> ‘Me le lemohe ho Luka 17, moo A itseng, “Matsatsing a qetelo, ho tla boela ho tšoana le Sodoma and Gomora.” Na re e tšoere? Re fumana Sodoma le Gomora hape? Lichaba tsohle, e shebeng. Shebang seo a sa tsoa se bua ka Engelane, ntho eohle e khopame. Esita le lijo li khopamisitsoe. ‘Me le shebe mona seo mahlale. . . Le bona ho *Reader’s Digest*, kea kholoa ea khoeli e fetileng, ba itse, “Bashanyana le banana ba kena lilemong tsa bohareng lipakeng tsa lilemo tse mashome a mabeli le mashome a mabeli a metso e mehlanoo.” Ke kopana le bona tšebeletsong, bananyana ba leng ho menophose, athe ba mashome a mabeli, lilemo tse mashome a mabeli a metso e ‘meli, ba le menophose. E bakoa ke’ng? Khopamiso, ho tsoalisa. Ke sona hantle se bolisitseng, ntho eohle e bolisitse ‘mele. Ha re letho haese seshoba sa—sa . . . ntho e kang semela se nyalisitsoeng.

<sup>217</sup> Ha u nka semela se nyalisitsoeng u se hloma kantle mane, kokoana efe le efe e tla se mathela. Empa semela sa makhonthe, sa mantlha, kokoana e tla se baleha, ha e khone ho tsorama holim’ a sona. ‘Me ke bona bothata ba kereke, re e nyalisitse.

<sup>218</sup> Ke bona bothata ba pere ea Pearry Green holimo mane, ‘me eona e lihileng moshanyana eo tsatsi le leng, ke kotara ea khale ea feela pere. Lea bona? Ntho feela eo e leng eona, e . . . Joaloka mulete, ke—ke . . . mulete ha o tsebe papa le mama oa eona, ha o tsebe letho; ke halofo ea mulete le halofo ea pere, le halofo ea sena le pokola; ha e itsebe seo e leng sona. U ke ke ua khona le ka mohla . . . E tla ema bophelo bohole ho u raha. Ke hantle! Ha u e bitsa, u re, “Ha re ee, moshaana. Ha re ee, moshaana.” E peralatsa litsebe, ‘me, “Haw! Haw! Haw!” Lea bona?

<sup>219</sup> Joaloka ba bang bana ba reng “Matsatsi a mehlolo a fetile, Haw! Haw! Haw!” mabasetere ana, ba bitsoang litho tsa kerekere le Bakreste. Ha ke bua ho etsa motlae, empa ke ’Nete. Empa oa makhonthe, oa lesika, moena, o tseba ntatae, o tseba mmae, ntataemoholo, nkhonae, u ka mo ruta se seng, o mosa.

<sup>220</sup> Le Mokreste oa makhonthe ea tsoetsoeng ke Moea o Halalelang a tlatsitsoe ke matla a Molimo le Lentsoe, o tseba ntatae, mmae ke ke mang, ntataemoholo ke mang, nkhonae ke mang, o tseba sohle ka Lona. U ka mo ruta se seng.

<sup>221</sup> Empa lebasetere, ke lona le kenang likerekere. Le nyalisitsoe lipakeng tsa mekhatlo ea borapeli ba lefatše, le ho sutela Lentsoe le seng le kae *mona*, Lentsoe le le nyenyane *mane*, e le ho thetsa feela. Ke hantle. Ha u bona Lentsoe la Molimo la makhonthe le bonahatsoa joaloka Kaiafa le bao ba entse, ba Le furalla, ha ba tsebe. Lebasetere!

<sup>222</sup> Joale rea fumana, le molaetseng ona, ho Esaia 40:3 e boetsé ea nètefatsa Johanne. O itse, “Lentsoe la ea hooang, moporofeta, ea hooang feelleng, ‘Hlekang tsela ea Morena, le otolle ’mila oa Hae.’” Kerekere ha ea ka ea mo lumela, hoba e ne e se oa sehlopha sa bona. Moporofeta eo o holietse feelleng, a nyoloha a sa tsebe mang. A tlatsitsoe ka ’na Moea oa o nong o le holim’ a Elia: e le monna oa lefeella, a hloile basali ba nyonyehang.

<sup>223</sup> Le hopole kamoo Elia . . . Hlooho ea hae e tlositsoe joang holim’ a hae? E ne e le Jesebele. Jesebele o qositse lefu la hae. Ea mo balehisetsa feelleng.

<sup>224</sup> Johanne Mokolobetsi, morati-lefeella e mong, setsumi, rameru. Mo shebang. A sa ruteha. Shebang ntho ea hae—therō ea hae, a sa tšoane le mofiologi. O itse, “Lōna malinyane marabe!” Ntho e litšila eo u ka e tholang feelleng, e nyonyobang, e ne e le noha—e ne e le noha. Athé baprista bao o ba bitsitse, “Lōna malinyane a marabe! Le tšosítsoe ke mang ho balehela bohale bo tlāng? Le se qale la re, ‘Re setho sa *hona*, ’me re na le *hona* kapa *hōane*,’ hoba ke re ho lōna, Molimo o ka khona le ka majoe ana,” lefeelleng. Hape, “Selepe” (seo a se sebelisitseng) “se beiloe motsong oa sefate; ’me sefate se seng le se seng se sa beheng tholoana e monate, se a rengoa se lahleloa mollong.” Amen.

<sup>225</sup> E ne e le moreri oa tlhaho. Monna e moholo oa Molimo, o phetse nakoana, empa a tukisa lefatše. O harotse moloko oo letsoalo likhoeling tse tšeletseng tseo tsa tšebetso ea hae. Molimo o mo holisitse lilemo tse mashome a mararō, ho kotula likhoeli tse tšeletseng tseo ho eèna. Empa Molimo o sebetsa ka tsela ea Oona ka Sebele, O tseba seo kotlo ea Hae e leng sona.

<sup>226</sup> ’Me re fumana joale e le sona se hlahileng hantle. Ha ba ka lumela ho eèna, hoba e ne e se e mong oa bona. Ha ba etsa joalo. Ba entse joalo ka kamehla, ha ba E bona. Ha ba lumela Lentsoe la Molimo la Malakia 3, ho seng joalo ba ka be ba bone ka ho hlaka, ka lengolo, hore enoa e ne e le moetellipele eo. Ba ne ba

hlokile moporofeta lilemo tse makholo a mane, 'me mona e mong o hlaha temeng ka potlako. Lea bona? 'Me batho, balumeli, ba lumetse hobane ke eëna. Lea bona, athe bao ha ba E lumela. Ha ba ka ba lumela, hobane mohla ba bonang lengolo le thasisetsoa ka bottlalo, seo A boletseng A tla se etsa, le ntho e 'ngoe le e 'ngoe, le ho E bona e nètefatsoa ka ho hlaka mohla Lentsoe le ne le kena hantle metsing ho ea ho moporofeta. Ba ne ba eme mono.

<sup>227</sup> Bongata bo ngagisa Lengolo leo la Johanne mono. Lea bona, Johanne o itse, "Ke hloka ho kolobetsoa ke Uena, U tlela'ng ho 'na?"

<sup>228</sup> Jesu o itse, "Lesa ho be joalo, hoba eka khona . . . hobane eka khona re phethe joalo, re loketse (tlamehile) ho phethisa hohle ho loketseng. Ho lokile, Johanne, uena u leng moporofeta, u tseba hoba sehlabelo se hlatsua pele se hlahisoa. 'Me Ke Sehlabelo seo, athe uena u moporofeta ea tsebang tseo." Eaba O mo lumella ho Mo kolobetsa. Lea bona? 'Me o e tsebile ke hona.

<sup>229</sup> Shebang, ba mo tšeja, ba 'mitsa "lehlanya le hlaha, le hooang, le sa rutehang," ka tloaelo, moporofeta eo e be e le moetellipele oa ho tla ha Jesu la ho qala.

<sup>230</sup> Ha ke re bao ba . . . ha ba etsise ntho ea makhonthe ea—e kajeno. Ba etsa joalo, ehlile bo. Empa, le hopole, ha u bona dolara ea mampara e tlameha ho etsoa ka ea makhonthe nqa e 'ngoe. Ha u bona moetsisi oa Mokreste, Mokreste oa makhonthe o tlameha a be a le teng; hobane, hola ho se joalo, ekabe'ba eo ke oa mantlha. U tlameha ho finyella ea mantlha. Empa sheba ea pele, 'me u bone haeba ea mantlha e tsepame le tsepiso na. Haeba e le joalo, u E lumele: tsepiso ea mongoaha.

<sup>231</sup> Ka hona seporofetso sa Johanne se nètefalitsoe ka taolo ea Molimo. Lentsoe le tlide ho moporofeta la mo nètefatsa e le motho eo ka 'nête.

<sup>232</sup> Hape Jesu o tlide ka . . . a fapane le kutloisiso ea bona ea seporofeto seo. Ha ba ka ba Se utloisia ka tsela eo. (Joale, re theohela qetellong joale.) Empa ho latela Lentsoe la moporofeta, Se phethahetse ho fihla botsekeng. Seporofeto se a phethahatsoa; empa kamoo ba neng ba Se hopotse, ha Se a ba joalo. Joale, ba be ba ka utloisia joang ba tsebe ho lokileng le ho phoso? Ho se bona se nètefatsoa ke Molimo, haeba e ne e le Molimo o tolokang seo O se boletseng. Ho kile ha hlaha bo-Jesu ba bohata, ba etella motho pele, seholpha sa . . . makholo a mane, sa ba isa feelleng le lintho; empa ha a ikholisa a lutse Lentsoeng, lea bona, joaloka ha A boletse.

<sup>233</sup> Jesu, mohla A tlileng, E ne e tla ba Moporofeta. Ke hantle! 'Me kajeno, pele Jesu a khutla hape, ponahatso e tletseng ea motho eo Jesu Kreste e tla bonahatsoa ka nama. E nahaneng! Jesu o itse, "Joaloka matsatsing Sodoma, ho tla ba joalo ho tleng ha Mora motho, mohla Mora motho a senoloang." Ho *senoloa* ke'ng? Ho phuthulloa, ho tsebisoa. Lekunutu le utulotsoe, ho

senoloa. Ka letsatsi leo Mora motho o tla senoloa, lefatše le tla be le le maemong a Sodoma. Re e tšoere, ha ke re? Yaa! Ba e lumelang ba ba kae? Le maemong a Sodoma. 'Me ke hantle haholo! Shebang moo le lutseng teng, joale.

<sup>234</sup> Le hopole, ho hlahile lihlopha tse tharō kamehla tsa batho sehlopheng sefe le sefe seo u se phuthang, tseo ke, moipehi-tumelo, bomosalumele, le balumeli. Re ba fumana sehlopheng se seng le se seng. Ba ba fumane ka linako tsohle. Basodoma e ne e le bao, ho be le—ho be le Malota, le Abrahama a le teng.

<sup>235</sup> Ba ha Abrahama e ne e le sehlopha se bitsitsoeng, a sa ka a kena Sodoma le qalong. Joale shebang Molaetsa oa bona! Ba ne ne ba lebeletse mora oa pallo, ba mo shebeletse lilemo. Molimo o kile oa bontša Abrahama lipontšo tse ngata tse khōlō le meeka, empa mona Molimo oa theoha ka Seqo joaloka monna!

<sup>236</sup> U re, "Leo e ne e le Lengeloi."

<sup>237</sup> Abrahama o Mo bitsitse, "Morena," ka tlhaku e khōlō M-o-r-e-n-a. 'Mali ofe oa Bibele o tseba M-o-r-e-n-a ka tlhaku e khōlō e le Elohim. "Tšimolohong Molimo," Morena Molimo, Elohim, Rabokhoni-bohle. Abrahama o Mo bitsitse, "Morena Molimo, Elohim."

<sup>238</sup> Joale lemohang, Sodoma ho kene batho ba babeli ka molaetsa, 'me ba reretse Basodoma. Feela ha ba etsa letho, ba ba foufaditse; etsoe, therō ea Evangelie foufatsa mosalumele.

<sup>239</sup> Empa le shebe pontšo eo sehlopha sa Abrahama se e amohetseng!

<sup>240</sup> Joale, re tlamehile re be re le Peō ea Abrahama ea borena, Isaaka e ne e le peō ea tlhaho. Empa Peō ea tumelo, tumelo Lentsoeng la tšepiso, Lentsoe la tšepiso (le se ke la E fosa) e ne e le Peō eo ea borena; e ne e le Peō, tumelo ea Abrahama. "Ha re shoele ho Kreste, re Peō ea Abrahama, re majalefa le eēna ka tšepiso."

<sup>241</sup> Lemohang mohla seo sohle se etsahalang, bareri ba babeli ba fihlile tlase Sodoma ba bolela molaetsa o moholo.

<sup>242</sup> Feela e Mong a lula holimo mona le sehlopha sa Abrahama se sa kang sa tšoenyana le sehlopha seo tlase mono. Joale le shebe enoa Ea setseng le sehlopha sa Abrahama, O ba file pontšo ea mofuta ofe. O itse... Joale, le hopole, lebitso la hae e ne e le Abram matsatsi a 'maloa pele ho moo; 'me ke S-a-r-r-a, e seng S-a-r-a-h (khosatsana). 'Me Monna enoa, mokokotlo oa Hae kena o furatse tente...

<sup>243</sup> Basali ke ha ba fapane le joale. Ba tlameha ho tsoa ba sebetsana le litaba tsa banna ba bona le eng hape, lea tseba. Empa ha ba etsa joalo mohlang oo; ba ne ba lula motšeо.

<sup>244</sup> Ka hona bao...ebile Mangeloi a lutse mono. Moromuo, eaba O re, "Abrahama, o kae mohatsa'o (S-a-r-a-h) Sarah?" Ebe O e tsebile joang? Ebe O e tsebile joang?

<sup>245</sup> Abrahama a re, "O ka tenteng ka mora Hao."

<sup>246</sup> A re, "Ke tla u etela ka nako ea bophelo joaloka ha Ke u tsepisitse. Ke tla u etela." 'Me Sarah a itšeheha.

<sup>247</sup> Mokokotlo oa Hae o furaletse tente, eaba O re, "Sarah o tšehele ke'ng, ka ho re, 'Lintha tsee li ka hlaha joang?'" Hola a ne a se ka ho Abrahama, e le monyaluo a hae mohlang oo, Molimo a ka be a mo bolaile. Le rōna ho ka be ho le joalo ka ho se lumele hohle ha rōna, hola re se ka ho Kreste. E re tiisetsta hantle mono, lea bona. A ke ke a lematsa kapa a tlosa Sarah a sa lematse Abrahama. Lea bona?

<sup>248</sup> 'Me le hopole ke hona, Jesu o itse, "Joaloka matsatsing a Sodoma, ho tla ba joalo ho tleng ha Mora motho." Re bona mang le mang a lumela hoba lefatše le maemong a Sodoma. Ke thonakile pampiri ea Los Angeles nakoana e fetileng mona, 'me ho itsoe, kea kholoa ke "Homosektjuale e ja setsi ka liphesente tse mashome a mabeli kapa tse mashome a mararō Los Angeles, e nyoloha hakaalo selemo ka seng." Ke... Oh, ho a tšabeha! Goromenteng oa rōna le hohle, tsople lia khopama. Ke hantle! Ntho eohle, tsamaiso eohle, kereke le ntho efe le efe e khopamisistsoe. Ke mongoaha oa khopamiso.

<sup>249</sup> Joale ke batla ho botsa bafiologi taba, baena besō. Ha ke bue khahlano le lōna, moena oa ka ea ratoang; ke koano ho u thusa, moena. Ke koano ho emela seo Lentsoe la Molimo le reng se lokile, ho u tšoara ka letsoho le ho ntša sehlopha sena sa batho nyeeng ena. Hantle!

<sup>250</sup> Empa shebang mona, ha re eso fuoe moromuo a tlase Sodoma ea lebitso le qetellang ka h-a-m ho fihlela joale. Re fumane Spurgeon, Wesley, Luther, le ntho eohle eseles, empa machabeng ha ho moromuo a ea lebitso le qetellang ka h-a-m, pele. Ke hantle! Lea bona, G-r-a-h-a-m, litlhaku tse tšeletseng, G-r-a-h-a-m, Billy Graham; moevangeli ea tummeng eo, mosebetsi o moholo oa Molimo, monna eo o ronngoe ke Molimo. O tšoere tokafatso eo hantle ka tsepamo, 'me o sisinya sechaba ka eona, lea bona, ka tsela eo. Ha ho letho... .

<sup>251</sup> Shebang Oral Roberts bolumeling ba Pentekosta. Ho kile ha fihla mang ea joalo?

<sup>252</sup> Litlhaku tse tšeletseng, e seng supa. Abraham ke A-b-r-a-h-a-m, supa. Billy Graham ke G-r-a-h-a-m, tšeleta.

<sup>253</sup> Joale shebang baromuo a. Le shebe nako eo re lutseng ho eona, ha ho eso fihle nako nalaneng. Le shebe tsona lipontšo tseo A li tsepisitseng ho hlahisetsoa sehlopha seo. Shebang moo li leng teng. Ka ho tšoana, ka nèpo, malulo, li malulong. Tlhaho, lefatše, ntho e 'ngoe le e 'ngoe, e lutse ho latela nako hantle.

<sup>254</sup> Joale le se E fose, re sa taka Lengolo lena lohle! Ka potlako joale, hoba ke le tšoarella halelele. Pitso... . Shebang mona. 'Me

ho latela moporofeta, o tlie hantle ho Lentsoe hantle, ho tla ka nako hantle.

<sup>255</sup> Joale le shebe mongoaha joale moo re phelang teng joale. Na ha re phele nakong eo ea Sodoma? Le shebe moromuo ho seholpha sa Abrahama. Shebang lipalo, litlhaku, le limomoro tsa lebitso la hae. U re, “Lebitso ha le bolele letho” U se lumelle motho ho rialo ho uena. Hore’ng A fetotse lebitso la Abram, ho Abraham, Sarra to Sarah? Hore’ng A fotoletse Simone ho Petrose, le bang bao bohole? Lea bona? Ehlide e teng. Hantle!

<sup>256</sup> Ka baka leo ke le khalemang, ho se ree ngoana hao “Ricky,” kapa “Elvis,” kapa ho hong. *Elvis* e bolela “katse,” *Ricky* ke “khoto.” Lea bona, ha u re . . . Ke hantle haholo. “Les,” kapa ntho e ’ngoe, u re ree ngoana ofe oa hao . . . bana ntho eo. Haeba le le joalo, le fetole ka potlako hantle, batho. U se ke . . . Löna ba . . . Haeba u ntumela ke le mohlanka oa Molimo, u se ke ua qhoaеля lebitso leo ngoaneng eo oa batho. Lea bona? Che, monghali, mo ree lebitso lesele ho leo. Khele! Ha kea tlameha ho khelohela mono, hoba ke fapohile therō ea ka, empa ke e buile ’me e fetile. Ke . . . U sebetsa joalo, ha u tsebe ha u e bua. Lea bona?

<sup>257</sup> Ho Mo bitsa, “Leferena, senohe, diabolosi, Belsebule,” ’me ha thoe, “O Ikentse Molimo.” Oh, khili!

<sup>258</sup> Na moporofeta Esaia ha bolela, “O tla bitsoa Molimo o Matla”? Esaia 9:6, “Re tsoaletsoe ngoana, re neiloe mora, ’me borena bo tla beoa mahetleng a Hae, ’me Lebitso la Hae o tla bitsoa Moeletsi, Khosana ea Khotso, le Molimo o Matla, Rabosafeleng.” Ke hantle! Hape, Santa Johanne 1:1, “Lentsoe le ne le le tšimolohong, ’me Lentsoe le ne le le ho Molimo, ’me Lentsoe le ne le etsoe e ne e le Molimo. ’Me Lentsoe le ne le etsoe nama ’me la aha har’ a rōna.” Le lumela seo? E ne e se feela . . . E ne e le Moporofeta, empa E ne e le ea fetisang le moporofeta; E ne e le Molimo-Moporofeta. Hobaneng A ne a tlameha ho tla?

<sup>259</sup> Le hopole, O tla ka mabitso a bara ba bararō. Pele O tlie ka lebitso la Mora motho. Ha A eso Ipitse “Mora Molimo.” Le tseba seo. Lea bona, O tlie ka Mora motho, moporofeta. Jehova ka Sebele, Ntate, o bitsitse Jeremia, “mora mothō”; moporofeta ke mora motho. O tla . . .

<sup>260</sup> Joale O a tla ka morao ho Letsatsi la Pentekosta, O khutla ka sebopeho sa Moea o Halalelang, Moea o mohlolo. Joale Ke Mora Molimo.

<sup>261</sup> Lilemong tse Sekete E tla be e le Mora Davida, a lutse teroneng ea Davida. Lea bona, O tlie ka . . . Ke Mora Molimo, Mora motho, Mora Davida.

<sup>262</sup> Oh, Bibele e tletse likaqa tsena. Re ke ke ra tšoarana le tsohle ka bosiu bo le bong. Empa ke tšoanelo ho e lekanya hona joale. Hosasa ho ka tšoha ho sa fihle. Re ka tšoha re tsamaile le pele hosasa ho chaba. Nka tšoha ke rerela motho ea tla beng a shoele pele le hosasa. Nka tšoha ke tsamaile le pele ho ka moso. Moena,

khaitseli, ha se khopolotaba, ke linnete tse tiileng! Ha re tsebe mohla re tla tsamaea, 'me ha u sa tla fumana monyetla hoba phefumolo eo ea ho qetela e tsoea 'meleng oa hao. Lokisa hona joale, u se ke ua emela hoseng, e ka ba morao.

<sup>263</sup> Lemohang joale, ba Mo entse hantle se boletsoeng ke baporofeta ho se etsa, seo ba se etsang letsatsing lena la Mongoaha oa Laodisea se a itšoanelia. Ha u batla ho e sheba, bala Tšenolo 3, "Sefofu, feela, athe ha u tsebe. Ho fetola Kreste..." Mohla a qalang a Itšenola ka sebopaho sa peō hape, eona e keneng mobung e khutla ho ba Monyaluoia; ke Monyaluoia le Monyali feela, ke nama le mali ao, ke tšebetso e tšoanang, le lintho tse tšoanang, ho etsa hantle seo A se entseng; Moea.

<sup>264</sup> 'Me ke bana ba qopitsa 'me ba etsa eng le eng, 'me e mong le e mong o tšoere buka ea hae o a matha, le *sena*. Oh, ha u eso utloe maikutlo a joalo! 'Me... [Moena Branham o hula moea ka nko ea hae—Mohl.] "Ke utloa ho nkha diabolosi joale." *Sena* sohle, *sane*, se hlile se sa lumellane le mangolo!

<sup>265</sup> 'Me ntho ea makhonthe e larile hantle ka pel'a bona, ba tloha ba itsamaela, "Ha se litho tsa mokhatlo oa ka." Khele, khele, feela, lea bona, lifofu tse tsamaisang lifofu. Na li ke ke tsa oela selomong? Ho foufatsoa ke meetlo ea malumeli a motho, ba Mo ntšetsa kantle ho kereke joaloka Molimo ha o ba boletse, ho Tšenolo 3; ka tloaelo, joaloka ha ho porofetiloe.

<sup>266</sup> Lemohang kamoo Jesu sel-... a Itsebesitseng barutuoia ba Hae, joale, 'me re tla koala. Barutuoia ba babeli bao, Kaifa... Kleopa, ke rialo, le motsoalle oa hae. Joale re tsohong, hoseng ka mora tsoho, tsoho ea pele; e ne e le hoseng ho hotle, Jesu o tsoile bafung o phela har'a batho ba Hae. Mohopolo o motle hakakang!

<sup>267</sup> O mona kajeno joaloka ha A entse letsatsing leo, hobane ke Eèna maobane, kajeno, le bakeng sa... 'Me kajeno ke ho Itšenola ho feta kamoo A entseng mongoaheng ofe ho tloha letsatsing leo; re fetile koro le tlhaka le lekhapetla (e fetile eohe joale), re kene korong hape. Lea bona, re khutletse thollong.

<sup>268</sup> Ho tsebjoa joaloka... tseba... Shebang kamoo A Itsebisitseng bathong bana, joale, hopolang, joaloka Messia oa bona (pejana re koala feela) oa Lentsoe le baletsoeng mongoaha. Lemohang! O hlähile, ho e... joaloka ha A boletse A tla etsa, ho baporofeta. Lemohang, "Lithoto, tse pelō e liehang ho lumela hoba tsohle tseo baporofeta ba li ngolileng ka Eèna li ne li tlameha ho phethahala."

<sup>269</sup> Mo shebeng! O khutlela Lentsoeng la Molimo, ha A tsoa a ba bolella phatlalatsa, "Ha le Ntsebe na? Ke Messia ea tsohileng." Ha A rialo. Lea bona, O ba neile Lengolo feela; joaloka Johanne ha a entse, le ba bang ba bona bohle. Lea bona? O mpa feela... Ba tlameha ho ithonakela eona. Ba tlameha ho ikahlolela e le bona. Joale, le se ke la robala, le ikahlolele e le lôna.

<sup>270</sup> “Lithoto, tse pelō e liehang ho lumela tsohle tseo baporofeta ba boletseng li tla hlaha.” Nyatso e kakang ho bao ba itsekileng ba Mo tsebile. Lea bona?

<sup>271</sup> Lemohang na temana ena O e atametse joang. Ha A tsoa phatlalatsa, se ka ke boletse metsotso e ‘maloa e fetileng, le ho re, “Be, ha le tsebe Ke Messia oa lōna oa mongoaha ona? Ha le Ntsebe ke Eèna?” Mohlanka oa makhonthe oa Molimo ha a itsebise joalo le ka mohla; Lengolo ke lona le mo tsebisang hoba ke mang. Ehlide, o tla etsa joalo. Empa ho hulela maikutlo a bona ho seo baporofeta ba se boletseng ho shebjoa mongoaheng oa Messia. Lea e bona? Ho khutlela morao hantle: “Lithoto, tse pelō e liehang, tse sa lumeleng hoba hohle ho boletsoeng ke baporofeta ka Messia se loketse ho etsahala.”

<sup>272</sup> Eèna, joaloka Johanne, o lumeletse Lentsoe la Bibele ho Mo tsebahatsa, seo A neng a le sona ho bona. E tlamehile e be e hlakile ho lekana. Efèla ha Lentsoe le Mo tsebahalitse, e tlameha ho hlaka hore Eo ba neng ba mo shebile e ne e le tsepiso efe. Ba tsebile hobane o ne a... motho o ne a tlameha ho fihla temeng nakong eo.

<sup>273</sup> Khele, O itse, “Joale ha Nke ke le bontše seo Lentsoe le boletseng se loketse ho hlaha letsatsing lena.”

<sup>274</sup> Na ebe ‘na, bosiung bona, ha ke leke ho le bolella, Lentsoe ka Lentsoe (esita le malulo, sebaka, mabitso, lipalo, ntho efe eseles, le lipontšo tsohle, linako, le ntho efe le efe), hore re fihlile hantle mona nakong ea qetelo? Ruri le ka bona seo ke buang ka sona. Lea bona? Shebang! E hlakile hoo e sa hllokeng boitsebiso bo bong. O boletse, mohla A leng holim’ a lefatše mona, “Le batlisise Mangolo, ho ‘ona le lekanya le na le Bophelo Bosafeleng, ke ‘ona a eng... a pakang seo Ke leng sona, lea bona, hore Ke mang.”

<sup>275</sup> Lemohang, A qala ka Moshe moporofeta, moporofeta, Deutronoma 18:15. Ke shebile Mangolo mona. Deutronoma 18:15, Moshe o boletse, “Morena Molimo oa lōna...”

<sup>276</sup> Lea bona, Molimo o buile le eèna hlorong ea thaba. ’Me, oh, khili, lialuma tsa teng; ba itse, “Morena ho mpe—ho mpe... Ho mpa ho bue Moshe, e seng Molimo, esere ra shoa.”

<sup>277</sup> O itse, “Ba boletse teng. Ke tla... ha Ke sa tla bua le bona ka tsela ena, feela Ke tla ba hlahietsa moporofeta.” ’Me ebile molaetsa oa Hae haesale. Ke eona ntho e loketseng ho batalatsa ntho eohle qetellong. E loketse joalo feela, hobane Lentsoe la Morena le tlamehile ho tlela moporofeta. Ke eona feela ntho eo Le ka tlang ho eona. Haeba ho se joalo, taba eo e roba Lentsoe la Molimo le Mo buisa ntho e itseng e phoso. Lea bona? Ha le fetele k’holesheng ea thupelo le ka mohla. Le fetela ho moporofeta. ’Me moporofeta o romiloe ke Molimo, o khethiloe. ’Me kamoo u e tsebang e le eona, ’me e se ka seo monna eo a se buileng,...

<sup>278</sup> Re fumane bo-Eli, le libaki, le ntho e 'ngoe le e 'ngoe esele, le liphèkha, le bosoana ba mefuta eohle, 'me re khelōhetse litsamaisong tsa mekhatlo le ntho eohle esele.

<sup>279</sup> Empa ho tla fihla holim'a lefatše lena, ka tšepiso ea Molimo, mohlanka oa Molimo oa makhonthe, ea nètefalistsoeng ke Molimo (Lentsoe la Hae e tla ba karabo ea letsatsi lena), lona le tla lulisa Monyaluoa malulong (sehlotšoana sa sebele sa kereke e nyenyane) le ho e nyolla. Ke hantle! O tse tumisa, "Bonang, ke Eèna eo Eo ke 'moletseng, lea bona, ea neng a tla tla."

<sup>280</sup> 'Me sohle seo baporofeta ba se boletseng ka Eèna, nqa mongoaha ona, ehlile ho ne ho ka khahla ho Mo utloa a bua ka eona. Na le ne le sa tl'o rata ho Mo utloa a e bua? "Tsohle tseo baporofeta ba li boletse mabapi le . . ." Le hopole, O buile seo baporofeta ba tlang ho se bua ka Eèna, e le ha A Iqotsa ka Seqo, seo A neng a se buile ('me E ne e le Lentsoe); a qotsa.

<sup>281</sup> Joale ha re mameleeng Mantsoe a qotsitsoeng ke Eèna. Na le ka rata ho utloa seo A ba boleletseng sona? Ha re kenelleng moqoqo oa bona joale, pejana re koala feela.

<sup>282</sup> Joale, ba ne ba boleletsoe ka liketsahalo tsohle tsa moraorao tsa thakhiso, tsa pale ea lebitla le tsa phaposi ea kepelo, le ka basali ba Mo boneng, le ka e mong ea ipoletseng a Mo bone, le joalo-joalo. O itse . . . Ba—ba Mo boleletse litaba tseo. 'Me O tsoelapele hantle ka Lentsoe mabapi le . . . a qotsa Eèna ka Lentsoe:

"Joale shebang ho Zakaria 12." (O tšoanetse a be a qotsitse Zakaria 11:12.) "Hobane O lekanyelitsoe moputso oa silifera tse mashome a mararō. Na Messia o ne a sa lokela ho rekisoa ka likotoana tse mashome a mararō tsa silifera?

"Ho Lipesalema 41:9, metsoalle ea Hae e Mo rahile serethe. Lea bona?

"Zakaria 13:7, barutuoa ba Hae ba mo qhalanetse.

"Ho Lipesalema 35:11, a tsohelloa ke lipaki tsa leshano.

"Ka Esaia 35:7, semumu pel'a baqosi ba Hae, ha a ka a ahlamisa molomo oa Hae." (Ke hantle, monghali.)

"Esaia 50:6, O ile a otloa.

"Lipesalema 22—22, A meketsa sefapanong, 'Molimo oa Ka, U Ntloheletse'ng na?" Nka bala masapo a Ka 'ohle. Ba hlabile matsoho a Ka le maoto a Ka." (Shebang liporofeto tseo A be a ka li bolela!)

"Esaia 9:6, Re tsoaletsoe ngoana, moroetsana o tla emola, le tse joalo.

"Le eona Lipesalema 22:18, ba—ba—ba arolelana liaparo tsa Hae.

"Ho Esaia 7:14, moroetsana o tla emola.

“Lipesalema 22:7 le 8, A etsoa e . . . ho songoa ke lira tsa Hae, tsa Hae . . . athe ho itsoe ke metsoalle ea Hae; lira tsa Hae, kereke.

“Ho Lipesalema 22 hape, O ne a . . . ha ho lesapo le tla robjoa, feela ba hlabile matsoho a Hae le maoto a Hae.

“Esaia 53:12, o shoele le lisenyi.

“Ho Esaia 53:9, a tetekoa, o beiloe lebitleng le moena e leng morui.

“Ho Lipesalema 16:10, O tsositsoe bafung. Davida o boletse joalo, ‘Nke ke ka lumela hoba Mokhethoa oa Ka ka Sebele a bone ho bola, Nke ke ka lesa moea oa Hae liheleng.’ O ile a tsosoa bafung.

“Malaki 3, Johanne Mokolobetsi e ne e le moetellipele oa Hae.”

<sup>283</sup> Le lipapiso tsohle tseo A ka beng a li finyeletse! Esita le ka Isaaka e bileng seriti sa Hae holim'a Thaba . . . holim'a thaba a isitsoe ke ntatae Abraham, ho Genese 22.

<sup>284</sup> Ea eba hona joale ba qalang ba bona Eo ea phethileng Mangolo ana a baletsoeng letsatsi leo. Ke lekhatheng leo, ho se ho phirimile, ba qalang ba bona. “Oh! Be, bea butle motsotso! Ua tseba ke'ng?” Ba tseba hoba Motsoalle oa bona ea thakhisitsoeng, Jesu, e ne e le Moporofeta eo ea tsepisitsoeng. Ba tsebile hobane . . . Lea bona, ba ne ba eso hlahosetsoe Mangolo pele.

<sup>285</sup> “Empa, mona, tsohle tsena li loketse ho hlaho sefapanong, lintho tsena tsohle. Lithoto, tse pelō e liehang ho utloisia tsohle tse boletsoeng ke baporofeta; kamoo Messia a tlang ho utloa bohloko, a ntoo kena khanyeng ea Hae, a tsohe ka letsatsi la borarō.”

<sup>286</sup> Ba 'na ba tsamaea, “Oh, yaa. Ke hantle. Ke re O—O . . . Na lipelō tsa rōna li ne li sa chese ka ho rōna?” ba itsalo. Ha ho makatse ha lipelō tsa bona li ne li chesa! Liporofeto tseo A li hlahisitseng li ne li tse phethiloe.

<sup>287</sup> Eaba ba qala ba utloisia hoba Motsoalle oa bona, Monna eo ba jeleng le eēna, ba qoqa, ba ikamahanya le eēna, ba tšoasa lihlapi, ho robala merung, hore hoo ho phethile Lentsoe le leng le le leng la hora e tsepisitsoeng! E ne e le eo. Ba tsamaile limaele tse tšeletseng, ea ka nako e khutšoane, kea khlooa, 'me ba utloile therō ea lihora tse tšeletseng ea boporofeta bo nètfalitsoeng (haleletsana ho rōna bosius bona, lea bona). Joale ho se ho batla ho phirimile mantsiboea, Maseli a mantsiboea a ne a tlide.

<sup>288</sup> Ke nako e kang eo hona joale, kereke! Maseli a mantsiboea a tlide! Baheberu 13:8, “Eēna maobane, kajeno, le ka mehla.” Oh, lietsahala li hlakisoa ke boporofeta, ho a tšoana le kajeno. Leseli la mantsiboea le tsepisitsoeng ke moporofeta oa Molimo, ho Zakaria 14:7, mahlo a balumeli ba 'nete a boele a tutubolloe nqa lietsahala tse hlahang kajeno, tse kholisitsoeng ke liporofeto hore re nakong ea qetelo. Jesu o a tla.

<sup>289</sup> Eona e...Ke...

<sup>290</sup> O itse, “E tla ba letsatsi le ke keng la bitsoa bosiu kapa nyene.” O itse, “Empa Leseli le tla ba teng nakong ea mantsiboea.” Joale, rea tseba, ho latela thutafatše, letsatsi le chaba bochabela le likela bophirimela. Joale, moporofeta o boletse, “Ho tla fihla nako e telele e sarolotsoeng e tepeletsang, e batlang e...ho ke ke ha thoe le nyene kapa bosiu; e batlang e fifetse, letsatsi le saretsoeng.”

<sup>291</sup> Joale, ebe Mora o hlahile kae? Eng...Eo e ne e le S-o-n eo re buang ka eëna joale. S-o-n oa tlhaho o hlaha bochabela ’me o likela bophirimela. Oona Molimo oo, hona hoo...*Letsatsi*, ke rialo. ’Me S-o-n oa Molimo o hlahile bochabela pele, bathong ba bochabatsatsi.

<sup>292</sup> ’Me joale hoba A falle, ba entse’ng? Lilemo tse makholo a mararō hamorao, ba thea mokhatlo oa bona oa pele, kereke ea Roma e Katolike. Ba haotse mehla ea Mongoaha o Lefifi, ’me ba ttile. Ba entse’ng? Ntho e tšoanang. Esale e le letsatsi la...Ha lea bitsoa nyene kapa bosiu. Ba ile ba rala litaeloana, ’me ba lumetse hoba E ne e le Mora oa Molimo, ’me ba tsamaile leseling leo ba le fumaneng, ba theile likereke tsa bona, ba hahile likökèlo le likolo le joalo-joalo, le dik’holeshe tsa thupelo, ba rometse bana ba bona sekolong.

<sup>293</sup> Empa moporofeta o itse, “Leseli le tla ba teng ha e se e tla ba mantsiboea. Mora o tla boela a hloelisa, Leseli le tla ba teng.” Eng? Eëna Mora (M-o-r-a) ea senotsoeng ka nama nakong ea hoseng, morao mane, o tla senoloa hape nakong ea mantsiboea.

<sup>294</sup> Joale le bapise Santa Luka 17:30, “ ’Me ka letsatsi leo, joaloka matsatsing a Sodoma, malulo a lefatše, nakong eo Mora motho a senoloang ka eona.”

Leseli le tla chaba nakong ea mantsiboea,  
Tsela ea Khanyeng le tla e fumana ruri.

<sup>295</sup> Oh, khili! Lōna batho, re ho kae na?

Lichaba lia pshatleha, Iseraele e a tsoha,  
Lipontšo tse lepiloeng ke baporofeta;  
Matsatsi a Balichaba a baliloe, litsietsi lia  
phophotha; (Le mo shebe ha a thelehela  
leoatleng!)

Khutlelang, oho lōna ba qhalaneng, ha’bo lōna.

Tsatsi la topollo le haufi,  
Pelō tsa banna li emisoa ke tšabo;  
Tlalang Moea oo, mabone a lōna a kutoe a  
hlake,  
Lelalang! Topollo ea lōna e haifi. (Le mpe le  
etse joalo.)

<sup>296</sup> Moena, khaitseli, ke nako e nyarosang. Shebang lintho tse porofetiloeng, shebang lintho tse hlhang. Shebang boporofeta

bohole bo phethisoang, re bona ke hona sohle se mabapi le eona. Ha se lemuloana...mokha oa bohlanya. Ke Molimo o thasisetsang Mantsoe a Oona ka nèpo, ka nèpo. Lefika le teiloe, metsoalle, balehelang ho Lona ka potlako ea bokhoni ba lōna. Boporofeta bo nètefatsa letsatsi leo re phelang ho lona.

<sup>297</sup> Ha re inamiseng lihlooho tsa rōna. [Moena e mong o bua ka leleme le leng. Khaitseli e mong oa fetola. Moena ea kalaneng o re, “Na re ka ikhutsetsa nakoana feela? Molimo o buile le rōna ka Moena Branham, ’me tlolo e holim’ a Moena Branham, le joale ha a eso qete. ’Me . . .” Sekheo lebanteng—Mohl.]

<sup>298</sup> Molimo o ratehang! Ana le eleloa letsatsi leo re phelang ho lona, metsoalle? Na u ka phehisana le Molimo? Na u ka re “Ha A loka,” athe O E kholisitse? Ke toloko ea Hae ka Seqo. Na le batla ho Mo sebeletsa?

Joale ka lihlooho tsa rōna tse inamisitsoeng, le ka lipelō tsa lōna tse inamisitsoeng, moena, khaitseli.

<sup>299</sup> Ena e ka ba kopano ea rōna ea ho qetela. Re ka tšoha re sa hhole. . . Hola nka boea selemo ho tloha kajeno, ha nka phela, bongata bo leng teng mona bo ke ba eba teng mona mohlang oo. ’Me ke tla tlameha ho kopana le lōna Setulong sa Kahlolo ho arabela sohle seo ke se buileng bosiu bona.

<sup>300</sup> Ka pel’ a Molimo, u sa le kelellong ea hao e pholileng, ana joale u ka etsetsa Molimo sena? Haeba u tseba u . . . Ak’o ichebe seiponeng sa Molimo (Bibele), ho sa tsotelehe na u mang, ’me u re, “Ke itseba ke haelloa haholo ho ba morali oa Molimo, nchebe na ke etsa’ng. Ke haelloa haholo ke ho ba mora oa Molimo, nchebe na ke etsa’ng. Empa, Molimo, ha ke batle ho ba mona, ke—ke batla ho hahamalla tulong eo.” Ke batla u phahamisetse Molimo letsoho la hao, u ka bang mang, u ka bang kae har’ a mohaho, “E, ke batla ho ba mora oa Molimo. Ke batla ho ba morali oa Molimo. Ke batla ho phethisa sohle seo Morena oa ka a se laetseng.” Joale lōna. . . Molimo a le hlohonolofatse. Kea khlooa ke diphesente tse mashome a robong tsa letšoelle.

<sup>301</sup> Joale sheba mona, motoalle oa ka. Ho ka thoeng holane ua phela litšiung tseo ua utloa Johanne a rera? Holane ua phela litšiung tseo mohla Jesu a leng mona? U ne u tla emela lehlakore la mang? Holane ua phela nthong ea Jesu. . . Hopolang, holane A. . . Hola ua phela morao mono, ho be ho tla itšoanelia le joale. Ke eèna Jesu ea Itsebisang ka Lentsoe la Hae, lea bona, ’me ehlide ha Le ratehe.

<sup>302</sup> Empa ha nke ke le bolelle, ha ke leke ho laela batho ho tlohela kereke kapa. . . Khele, ke batla ha u tsamaea kereke, “Le se ke la ngala liphutheho.” Empa seo ke lekang ho u bolella sona ho se etsa ke ho hatella ka matla ’Musong oa Molimo. Etsa lintho tsena, lefatše, kereke. . .

<sup>303</sup> Mapentekota, lōna batho kekellang lefatšeng haholo. Le ntse le iketela haholo lefatšeng. Ho bonolo feela, le lula le shebella

dithelebishene le lintho tsena tsohle, 'me latela boitšoaro ba bona, le *sena* sohle, 'me ntho ea pele lea tseba... Dik'holese tsa thupelo, likolo li qala li tenyetseha mona le mane, le *sena, sane*, le se *seng*, 'me ntho ea pele lea tseba... E tlameha ho etsahala joalo. Kereke ea Pentekosta, e bile le tšehetso e khôlô ho 'na, nke ke ka bua letho khahlano le eona. Empa seo ke se hlabelang mokhosi, "Banabesō, tsoang!" Ho bitsa... Litšebeletso tsa lōna ha li sa tšoana le tsa pele. Batho ha ba tšoane le mehleng. Empa Jesu Kreste e sa le eèna, ha re hateng re kene ka ho Eèna.

<sup>304</sup> Joale, lōna ba phahamisitseng matsoho a lōna, le hopole, Lefika le teiloeng le ne le le feelleng, le bosiung bona Seliba seo se butsoe. Lefika la bona le teiloe, Kreste, Ke Lefika leo le teiloeng.

<sup>305</sup> 'Me bosiung bona, ho latela tsebo ea ka, kereke e ka tšoha e... Nako ea pitso e ka tšoha e fetile, ha ke tsebe, nke ke ka rialo. Le hopole, batho ile ba ba tsoelapele ba tšoara litšebeletso, ka ho tšoana feela, ka morao ho thakhiso ea Jesu. 'Me eona... 'me batho bohle, ba tla—ba tla tla, bao... Le shebe! Bao—ba tla tsoelapele ba rera hantle, 'me ba re "ba a pholosoa" le ntho eohle, feela e ka hojane... "Lefatše le tsoelapele ka tloaelo ea mehleng," ba rialo. Empa nako e tla be e phirimile mohlang oo.

<sup>306</sup> U sa fumane monyetla, moena oa ka; u sa fumane monyetla, khaitseli ea ka; kena 'Musong oa Molimo. Ha u a tlameha ho kena tlasa letho haese tumelo e hloekileng feela ho lumela Lentsoe la Hae. Ke Lentsoe leo! "Morena Jesu, ke tseba hona joale ke ichebile seiponeng sa Lentsoe la Molimo; oh, ke haelloa hakakang. Empa, Molimo o ratehang, mona bosiung bona, bosiung bona ba Mantaha, mona San Bernardino, California, ka odotoriamong ena mona, sena ke—sena ke ho fela seo ke se tšoereng, Morena, feela Ke tla U neeletsa sona. Na U tla nkuka ke le tjee, Morena? Na U tla ntumella ho balehela sefapanong ka potlako? Ke bile ke bona baromuo. Ke bona nako, ke bona mokhosi o hlajoang ho tsoela kantle ho Sodoma. Ke bona lipontšo. Ke bona sehlopha sa Abrahama se amohela Leseli. Ke bona ponahatso, Jesu ea bontšoang har'a rōna joale joaloka mohlang oo. Ke bona lintho tseo U li tsepisitseng. Ke bona baetsisi; ke U bona u itse, 'Joaloka matsatsing a Moshe,' kamoo Jambrese enoa le Jannese ba tlang ho khutla ba qopitsa, athe ba ituletse hantle thotobolong eo ba neng ba le ho eona."

<sup>307</sup> Lea bona, ba sitiloe ho sala Moshe morao ka Lentsoe leo le ho ntša bana bao mono ho ba kenya feelleng, hoba keha ba itharile ka Egepeta. Ha ba e khona, leha koana ba entse mehlolo e kang ea hae. Empa bohlanya ba bona bo bile ba pepesoa. 'Me Bibele e rialo, ke HO RIALO MORENA, "E tla boella hape matsatsing a qetelo."

<sup>308</sup> 'Me u e bona ka mahlo a hao, ha u le motho oa moea. Kea... ha ke khone ho E hlalosa. Ha E hloke ho hlalosoa ke 'na. "Linku

tsa Ka li utloa Puo ea Ka.” Ha re hahamalleng ho Eèna joale, re sa fuoe monyetla. Na le tla etsa joalo?

<sup>309</sup> Ha u hloka kolobetso ea Moea o Halalelang, ha u hloka ho ineeela bocha, bophelo bo bocha; molisa oa hao a ke ke a u nyatsa, o tla u ratela hona. Ineele Molimo ka botlalo bosiung bona, re sa le mona. Ha . . . E, kea tseba ho ne ho le thata, ho hlaba, ho hlolla, ha ke e etse ho khohlahala, ke etsa joalo ho tsepahala. Ke etsa joalo hoba ke le rata, ke rata Molimo, ‘me ke leka ho le thusa.’ Me ruri, motsoalle, ke—ke—ke lumela . . . Le ka pelô ea ka eohle, ka tumelo ea ka eohle, ke lumela Molaetsa oa ka o tsoa ho Molimo. Haesale O—O le kholisetsa eona, ho haola le lilemo.

<sup>310</sup> Joale mamela, bosiung bona u ineele sohle sa hao, sohle seo u se hlokang. Kea lumela, ka pelô e nang le ’nete, e ineetseng, ha u ka ema ka maoto a hao feela, ua phahamisetsa matsoho a hao ho Molimo, le ho re, “Molimo o ratehang, ke ’na enoa. Nkuke, Morena. Ha ke sa tla leka ho sebelisa kelello ea ka le boitthalosetso ba ka. Lentsoe la Hao le re ke tšoanelia ho ‘halalela, ke tšoanelia ho tsoaloa labobel, ke tšoanelia ho tlatsoa ka Moea, ‘me Moea o tla nkisa ’Neteng eohle.’ Molimo o ratehang, ke ’na enoa, ntsamaise.” Na le ka etsa hakaalo? Haeba u tla etsa hakaalo, phahamisa letsoho la hao, ho re, “Ke ikemiselitse ho etsa joalo, ke ikemiselitse joalo.”

<sup>311</sup> Ka hona bohole ha re emeng ka maoto a rôna.

Ke tla ke le feela, feela,  
Mali a Hao a ntšolohetse,  
U mpitsa ho tla ho Uena,  
Oho Konyana ea Molimo, (Monyako o le mong  
oa Molimo) . . . kea tla! Ke . . .

Joale mosebetsi oa hao ’ohle, ntho efe le efe, mokhathala oa hao, ntho efe le efe . . . Holane re eshoa hona joale?

U nkamohela, ke le feela,  
Ua nkuka, ho ntlhatsoa, ho ntlhoekisa, ho  
nkamohela;  
Hobane ke . . .

Na u ka phahamisa letsoho la hao, seratsoaneng sena joale?

Kea tsepisa, ke tla lumela,  
Oho Konyana ea Molimo, kea tla! Kea tla!

<sup>312</sup> Joale nakong seletsi sa ogono se tsoellang—tsoellang ho letsä, e mong le e mong oa rôna . . .

<sup>313</sup> Lôna bacha, na le batla ho kena kantle seterateng ka mokhoa ona, mphi ena ea littlokotsebe?

<sup>314</sup> Khaitseli, u batla moriri o mokhutšoane, athe hlompho ea hao ea Bonazare ho Molimo ke ho holisa moriri? “Ke lihlong ha a kuta moriri oa hae.” Na u ka tena dik’hetenyana tsena tsa khale le lintho tseo ba li aparang kajeno, mose o nyelisehang ona—ona, o bontšang ‘mele oa hao, kantle mane seterateng? Na

u tsebile hoba monna ofe ea u shebang o u feba pelōng ea hae? Athé uena u ipepesa joalo. Na lea tseba, lōna basali, ha le tlola meikapo, mosali o mong feela Bibeleng ea tlotseng meikapo le ka mohla? 'Me Molimo o mo fepile lintja. Jesebele, eaba lebitso leo le nyelisoa ho qala tšiung ea hae, ka baka la liketso tsa hae. Na lea tseba moporofeta Elia ke eèna ea e rohakileng 'me a mo kharumela? Na lea tseba hoba Johanne Mokolobetsi ke eèna ea setseng Herodiase morao? Na lea . . . Ha u batle ho fetoha nyee eo ea Hollywood ea lefatše. "Ekare ha u rata lefatše kapa lintho tsa lefatše, lerato la Molimo ha lea aha ho uena."

<sup>315</sup> Moena, motsoalle oa moreri, ha se letho . . . Nkutloisise hle, ke moena oa hao. Na u batla ho iketsa setlama, le lōna litho tsa kereke e leng kereke ea mofuta (Methodise, Baptise, kapa seo u bileng sona), na u batla ho tiisetra bolumeli boo hoba 'mè oa hao le nkhone oa hao ba kile ba e tiisetra? O tsoile ntho e itseng ho kena nthong eo, e ne e le Leseli la letsatsi leo; hoo, joaloka mehleng ea Nohe. Lena ke letsatsi le leng.

<sup>316</sup> U re, "Be, ke ne ke ena le . . ."

<sup>317</sup> Lena ha se letsatsi la Pentekosta. Mongoaha oa Pentekosta o fetile. Pentekosta e phaitse, ena ke nako ea kotulo. Lea bona? 'Me nakong ea kotulo, thollo; metsi a se a tšetsoe, thollo e a butsoa. Kena kahara thollo, moena oa ka ea ratoang. Nkutloe, ntumele, haeba u ntumela ke le mohlanka oa Molimo, e mong le e mong, ka mokhoa oa hao, re inamise hlooho ea rōna ka boikokobetso ho hlahisa thapelo eo re-re tsebang re loketse ho e hlahisa, "Molimo, nkuke ke le tjena feela."

<sup>318</sup> 'Me moena, khaitseli, ke rapalla aletareng bosius bona, le 'na: Molimo, mpopelle u nketsi ke fapani. Etsa ho hong, Molimo, mpapise le setšoano sa Hao.

<sup>319</sup> Le nahana hoba ho bobebé ho ema mona le ho kheketla batho likotoana joalo? Ho thata. Empa ho malimabe 'na ha ke sa phethise.

<sup>320</sup> Molimo o ratehang, e re mokhupi ona o sa inamisitse hlooho ea bona le pelō, linakong tse mahlonoko tsena tse phethelang thupello ena ea Bibe; 'me re bona nètefatso ea Moea o Halalelang e sisintse sechaba sena ho ea morao le pele, le ho ea morao le pele, litsoseletso tse khôlō le liponahatso, rea tseba e tlameha ho saloa morao ke ho hong. 'Me hape re bona Mangeloi supileng ao a theohela mono holim'a thaba eo koana Arizona, ebile dimakasine li E hlahisitse na ha bophara. Ho bona Jesu ka sebele sa Hae mono lipakapakeng, a nyaretse fatše, 'me ho thoe, "Ho Tšenolo 10:7, Molaetseng oa lengeloi la bosupa, litiiso tsena li tla buloa, liphiri tsa Molimo li tla tsebahatsoa." Bahlabolli ha ba phela halelele ho—ho e hlahisa. 'Me mona, litiiso tse supileng tsena tse koaletseng ntho eohle li tla buloa letsatsing lena. Ho bona lipontšo tsena tsohle tse khôlō le meeka e entsoeng, e

nètefalitsoe, e boletsoe pele e hlaha, 'me ha U eso re soabise le ka mohla, empa e hlahile ka ha e boletsoe.

<sup>321</sup> Molimo o ratehang, re eleloa Jesu Kreste har'a rōna. Re Mo tseba a le teng mona. O teng mona bosiung bona, Molimo o sa bonoeng o nang le rōna mona, koana a ka thasisetsa tsepiso efe le efe A e entseng Lentsoeng la Hae. Kamoo O kileng ua ema ua ba kholisetsa, ka mekokotlo e furaletseng, qalong tšimolohong le pele baetsitsi ba kena lesakeng, Morena, kapa ho kena e—e—e lephallong, ka mokhoa oa teng. U bontšitse ua ba ua kholisa, ho porofeta le ho bolella kamoo e tla etsahala hantle, 'me re bona e hlahile joalo.' Me Ntate, Molimo, rea tseba e ke ke ea eba motho, e loketse e be e le Molimo. Ka hona re tseba e le Uena mona bosiung bona. Re tšoarele libe tsa rōna.

<sup>322</sup> Molimo o ratehang, U phekotse maloetse a rōna, joale tšoa—tšoarela libe tsa rōna, Morena, ka ho ba Mokreste eo re sa lokelang ho ba eëna, ho se be... Ho ipolela ho ba monna kapa mosali oa Evangelie e tletseng, 'me mona re iphumana re tšerehane joaloka likhoho tsa mokhatlo oa bolumeli. Re thuse, Molimo o ratehang, re kuke u re sisinye ka Moea o Halalelang oa Hao. 'Me ha ntho e sa tšoaneng le Uena e ahile ka ho rōna, e 'ntše ho rōna, Morena. Lema maoto a rōna Lentsoeng le Halalelang la Molimo, 'me Moea o Halalelang o chese tlase pelōng ea rōna ho ntša likhoerekhoere tsohle tsa ho se lumele le borokoana ba letsatsi lena; oh, ho phaphama re itsukutla. Aba sena, Molimo. Re hloekise! Re bopelle! Re bope! Molimo, aba sena.

<sup>323</sup> E mong ha a le teng mona bosiung bona, Morena, ea bolokileng thollo eo pelōng ea hae, monoko oa Molimo o retetsoeng Bophelong ho tloha motheong oa lefatše; kea tseba, Morena, ba tlamehile ho utloa horeng ena. Ka hona, kea rapela, Molimo, hore U tlatse moea oa bona le ho ba khantsetsa ka kolobetso e ncha ea Moea o Halalelang, le ho ba laetsa tseleng ea bona, ka nyakallo le ka thabo.

<sup>324</sup> Morena Molimo, bao... ke ba neela Uena. Ha ke ba tsebe, ho tseba Uena. Feela ke jere boikarabelo ba ho bolela Lentsoe la Hao, Morena, ha U Le senola joalo. U jere boikarabelo ba hohle ho setseng: moo Peō e oelang teng. Ke mpa ke E hasa feela. Morena Molimo, ke E rapella ho oela mobung o motle, o nonneng bosiung bona. Hore ba bangata ba E bone, Morena, ba tsohe ebe Bakreste ba khantsitseng matsatsing ana a bofēlo, hore ntho e khōlō eo re e lebeletseng, e fihle ka potlako. Aba sena, Morena. 'Me U tle u nke Kereke ea Hao, Monyaluoaa oa Hao, ho Mo isa lapeng. Re E bona eohle E lutse malulong. Tloo, Morena Jesu. Tsohle re li laeletsa ho Uena, ka Lebitso la Jesu Kreste, ho khōla litholoana. Amen.

Kea Mo rata, kea Mo rata  
Hoba A nthatile pele

Le ho lefella poloko ea ka  
Fateng sa Kalvari...

<sup>325</sup> Lea Mo rata na? Be, le loketse ho ratana ke hona. Le tsukutlane ka letsoha ha le boela le bina:

Kea Mo rata, kea Mo rata  
Hoba A nthatile pele  
Le ho lefella poloko ea ka  
Ho...

<sup>326</sup> Joale ha re Mo roriseng. Ba bakae ba tsebang sefela sena:

Ke tla Mo rorisa, ke tla Mo rorisa,  
Rorisa Konyana baetsalibe;  
Mo roriseng lōna batho bohle,  
Malia Hae a hlatsitsoe koli ka 'nngoe.

<sup>327</sup> Ha re se bineng joale:

Ke tla Mo rorisa, ke tla Mo rorisa,  
Rorisa Konyana baetsalibe;  
Mo roriseng lōna batho bohle,  
Malia Hae a hlatsitsoe koli ka 'nngoe.

<sup>328</sup> Ana ha le ikutloe le kutlutsoe? Le phahamise matsoho a lōna le re, "Oh, e a nthabisa." Moena, ke rata lifela tseo tsa mehla-eakhale. Lōna le re'ng? Li theohela pelōng.

Ke tla Mo rorisa, ke tla Mo rorisa,  
Rorisa Konyana baetsalibe;  
Mo roriseng lōna batho bohle,  
Malia Hae a hlatsitsoe koli ka 'nngoe.

<sup>329</sup> Ha re phahamiseng matsoho a rōna feela joale re roriseng Molimo, e mong le e mong oa rōna, ka mokhoa oa rōna:

<sup>330</sup> Morena Jesu, rea U leboha. Rea U rorisa, Morena. Re U rorisa ka batho ba hlabetsoeng mokhosi, ho tsoa Babilona. Re U leboha ka Mali a Mora oa Hao, Jesu Kreste. Re U leboha ka ha A re hloekisa motsotsong ona. Re for-... Re kōpa tšoarelo ea liphoso tsa rōna, bothoto ba rōna, Morena, ho therekesela ha rōna lefifing. Oho Molimo, re ke re tsohe 'me re bonese, 'me re tsamaee Leseling la mantsiboea, 'me re fetoloe tholoana ea Sefate e hlahisoang ke Maseli a mantsiboea. Aba sena, Molimo o ratehang. Re ineela ho Uena, ka Lebitso la Jesu Kreste.

<sup>331</sup> Joale ka lihlooho tsa rōna tse inamisitsoeng, ke le neeletsa balisa ba tšeheletseng tšebeletso.



*LIETSAHALA TSA MEHLA ENA LI HLAKISOA KE BOPOROFETA SST65-1206*  
(Modern Events Are Made Clear By Prophecy)

Molaetsa ona ka Moena William Marrion Branham o rerilwe sethatong ka Senyesemane o reriloe ka reriloe Mantaha mantsiboea, Tšitoe 6, 1965, selallong sa Full Gospel Business Men's Fellowship International, Orange Show Auditorium, San Bernardino, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)